

Shule ya Jumapili kutoka kwa "Watoto Ni Muhimu"

Kitabu cha
Mwalimu

Kitengo
cha
1



MASHINE YA WAKATI!

Kufuata nyayo za Yesu!



Kitabu cha Mwalimu
Kwa umri wowote

Mashine ya Wakati



Shule ya Jumapili

kutoka kwa "Watoto Ni Muhimu"

Kitabu cha Mwalimu

Kwa umri wowote

Kitengo cha 1: Masomo 1-13

Wavuti: www.ChildrenAreImportant.com/machine/

SHUKRANI KWA TIMU NZIMA YA "WATOTO NI MUHIMU"

Mhariri: Kristina Krauss

Timu ya Ubunifu: Abril Palacios Camacho, Areli Zuriel Salinas Sanchez, Dwight Krauss, Flor Boldo, Jennifer Sánchez Nieto, Julio Sánchez Nieto, Mike Kangas, Suki Kangas, Verónica Toj, na Vickie Kangas.

Shukrani kwa Rubén Dario kwa muziki wa ajabu katika programu hii.

Timu ya Tafsihi: alineviera, Annupama Wankhede, Anton Klymyk, Araz Mammadzadeh, Aroma Publications and Media, Arturo Jr Boron, Blessy Jacob, Carmela Dawn Flores, Chrisbresnahan, David Raju, Ephraim Njuguna Mirobi, Finny Jacob, Geenav, HamidReza Azimi (hamid.azimi1364 at gm#ail com), Heyaudrey, I-clever.com, iqbalman, Jacob Kuruvilla, kamilturk, Karunguru Mwangi, kiran, Maitrayi Mondal, Marco Chu, Marcos Rocha, Mathew Das, Mitesh Mandaliya, mrramlama, Mrs.Geethashree NavaneethaKrishnan, Nassim Bougtaia, nicbenk, Paul Mwangi, Paul Septan, Rana922, Rubina Rai, Safdar Khan, shahroshan15, Talento-Unido, ueritom, Verdia Juliansyah Cancerika, Yeoh Jung Chin, Zeina Mirella Barzaga Arencibia

UTANGULIZI

KARIBU Shule ya Jumapili ya Mashine ya Wakati! Katika programu hii mpya na ya kufurahisha, tutarudi nyuma kwa wakati ili kushuhudia maisha ya Yesu! Kila wiki, watoto watafurahia mchezo wa kuigiza, mchezo, kutatua mafumbo kwenye vitabu vya wanafunzi, na kukusanya kadi mpya ya kuhudhuria.

Michezo ya kuigiza inayosisimua imebuniwa kwa waigizaji 3 au zaidi ambao wanarudi nyuma kwa wakati ili kushuhudia maisha ya Yesu. Watoto watapenda kufahamu wahusika na kuhesabu muda waigizaji wanaporudi kwa wakati. Lakini haitakuwa burudani tu. Katika kila mchezo wa kuigiza, wahusika wanajifunza masomo sawa na wanafunzi na kuonyesha matumizi ya kisasa ya masomo hayo.

Katika programu hii, watoto watafuatilia maisha ya Yesu na kujifunza kuhusu haki katika jamii ya kisasa. Kupenda wengine na kuwatendea wengine haki ni jambo ambalo Mungu anajali sana. Hii hapa mojawapo ya vifungu kuhusu jambo hili:

"Jifunze kutenda mema; tendeni haki. Ondoeni udhalimu. walindeni yatima; teteeni haki za wajane." Isaya 1:17

Masuala mengine, kama vile usafirishaji haramu wa binadamu, hayawezi kudhibitiwa na watoto kwa sasa. Hata hivyo, tunaweza kuunda mtazamo wa ulimwengu kwa watoto, kama vile kuwatendea watu kwa heshima bila kujali hali ya kijamii, ili waweze kutetea watu wanaodhulumiwa wanapokuwa watu wazima. Kuna sehemu tatu zilizoundwa ili kusaidia kufundisha watoto kuhusu haki. 1. Sehemu ya "haki" ni matumizi ya kisasa kulingana na somo kuu. Mfano: kuona watu wote kama viumbe wa Mungu. 2. Sehemu ya kazi za nyumbani inaruhusu watoto kutumia kile wanachojifunza katika maisha yao ya kila siku. Mfano: andikia mtu barua fupi ya kutoa shukrani. 3. Sehemu ya wasifu inafundisha watoto kuhusu kazi mbali mbali na jinsi zinavyonufaisha jamii, kama vile mchungaji, wakili, mwanasayansi, na polisi. Baadhi ya kazi katika sehemu hii zinaonekana kama kazi mbaya katika nchi tofauti kutokana na jinsi watu wanavyotumia vibaya nafasi zao za madaraka. Hii ni fursa yako kufundisha watoto kile mtu anapaswa kufanya au kile Yesu angefanya katika nafasi hiyo. Nani anajua? Labda mwanafunzi katika darasa lako ataishia kufanya kazi hiyo akiwa mtu mzima, na ataweza kutenda vizuri na kufanya kazi kwa manufaa ya wengine badala ya kutumia nguvu yake vibaya. Wanaweza kuangaza nuru kwa ajili ya Yesu katika jamii au katika taifa yao.

Jipe ujasiri, ninyi waalimu, kwa sababu Mungu yu pamoja nanyi. Anataka kubadilisha ulimwengu, na hakuna njia bora kuliko kutoa mafunzo kwa kizazi kijacho! Hebu fikiria nini kinaweza kutokea katika jamii yako wakati Mungu anafanya kazi kwenye mioyo ya watoto na anawasaidia kupenda watu walio karibu nao bila kubagua. Tunaomba Mungu aweze kukubariki sana kwa kuhudumu katika kazi hii muhimu ya kufundisha watoto.

Timu kwa Watoto ni Muhimu



Muhtasari

1

Kifalme au maskini?

Kusafiri kwenda Bethlehemu: Luka 2:1-5

1 Petro 2:9

2

Rafiki mkubwa

Yosefu alioa Mariamu: Mathayo 1:18-25

Yakobo 4:11

3

Kuzaliwa kifalme au katika unyenyekevu?

Kuzaliwa kwa Yesu: Luka 2:4-20

2 Wakorintho 8:9

4

Nyakati ngumu

Familia ya Yesu ilienda Misri: Mathayo 2:13-23

Waefeso 4:32

5

Yesu wa ajabu

Yesu kwenye hekalu: Luka 2:41-51

Yakobo 1:19

6

Mwanzo mzuri

Ubatizo wa Yesu: Mathayo 3:13-17

Waebrania 13:17

7 **Kusajili Timu**

Yesu aliwaita wanafunzi 12: Mathayo 4:18-22, Yohana 1:35-50
Yohana 8:12

8 **Yesu anatoa**

Maji kuwa divai: Yohana 2:1-11
Luka 6:38

9 **Penda kama Yesu**

Msamaria Mwema: Luka 10:25-37
Luka 10:27

10 **Mungu afanye kiwe cha kutosha**

Kulisha watu 5000: Mathayo 14:13-21
Mathayo 19:26

11 **Kuwa na Imani kwa Mungu**

Yesu alituliza dhoruba: Luka 8:22-25
Kumbukumbu la Sheria 31:8

12 **Yesu ni nani?**

Ninyi husema mimi ni nani? Mathayo 16:13-20
Yohana 3:16

13 **Yesu aonyesha Nguvu**

Lazaro: Yohana 11:32-44
Yohana 11:25

JINSI YA KUTUMIA NYENZO HII

Mchezo wa Kuigiza (Sehemu ya 1)

Katika kila mchezo wa kuigiza, "timu ya haki" inarudi kwa wakati ili kutazama sehemu ya maisha ya Yesu, ambapo washiriki wa timu wanajifunza somo



Leader



Investigator



Agent



Mechanic



Technician

sawa na kulitumia katika maisha yao ya kisasa. Sehemu ya kila mchezo wa kuigiza imeandikwa kabla ya somo kuu, ambapo wanarudi nyuma kwa wakati, na nusu ya pili ya kila mchezo wa kuigiza huja baada ya somo kuu, ambapo wahusika wanarudi na kutumia kile wamejifunza.

Mchezo wa kuigiza umetengenezwa kwa waigizaji 3: kiongozi, mchunguzi, na ajenti. Wahusika wengine wawili, mekanika na fundisanifu, ni kwa hiari ikiwa una watu zaidi wa kujitolea.

Kiongozi, Mchunguzi, Ajenti, Mekanika na Fundisanifu.

Somo Kuu

Baada ya mchezo wa kuigiza linakuja somo kuu. Hadithi za Biblia hazijaandikwa kikamilifu kwenye somo, kwa hivyo tafadhali usisahau kusoma hadithi hiyo kutoka kwa Biblia.

Mchezo wa kuigiza (Sehemu ya 2)

Baada ya somo kuu, kamilisha sehemu ya pili ya mchezo wa kuigiza, ambapo timu inasuluhisha utata wa yale waliyojifunza.

Haki

Kagua sehemu hii fupi pamoja na somo kuu, wakati wa kutatua mafumbo kwenye vitabu vya mwanafunzi, au wakati mnakula vitafunio.

Wasifu

Sehemu ya wasifu inafundisha watoto kuhusu kazi mbali mbali na jinsi zinavyonufaisha jamii, kama vile mchungaji, wakili, mwanasayansi, na polisi. Baadhi ya kazi katika sehemu hii zinaonekana kama kazi mbaya katika nchi tofauti kutokana na jinsi watu wanavyotumia vibaya nafasi zao za madaraka. Hii ni fursa yako kufundisha watoto kile mtu anapaswa kufanya au kile Yesu angefanya katika nafasi hiyo. Nani anajua? Labda mwanafunzi katika darasa lako ataishia kufanya kazi hiyo akiwa mtu mzima, na anaweza kutenda vizuri na kufanya kazi kwa manufaa ya wengine badala ya kutumia nguvu yao vibaya. Wanaweza kuangaza nuru kwa ajili ya Yesu katika jamii au katika taifa yao.

Fanya iwe ya kusisimua zaidi kwa kucheza mchezo mdogo mwanzoni. Fanya mtu aigize kazi hiyo na uwaruhusu watoto wakisie kabla ya kuwaambia.

Fungu la Kumbukumbu

Kila fungu la kumbukumbu linatumika kwa somo. Zingatia kutafuta mchezo au shughuli fulani ili kufanya ukariri kuwa wa kufurahisha zaidi.

Vitabu vya Wanafunzi

Watoto watapenda kutatua mafumbo katika vitabu vya wanafunzi. Shughuli za kupata neno na kupaka rangi picha husaidia kuimarisha kila somo. Jadili maneno kutoka kwa shughuli za kupata neno, kama vile thamani, unyenyekevu, na haki na uwaulize wanafunzi maana ya maneno hayo kulingana nao.

Maswali na majibu (wanafunzi wakubwa)

Maisha kama mtu mzima yana changamoto. Je, si tungefurahia sana ikiwa mtu angekuwapo kila wakati ili kutupatia majibu ya matatizo magumu? Lakini mara nyingi hakuna mtu kama huyo, na lazima tujitafutie majibu kadri tuwezavyo. Wanafunzi wakubwa wanakaribia kuwa watu wazima, pia. Ikiwa yote tunayofanya katika shule ya Jumapili ni kuwaeleza "majibu sahihi" na mambo kama hayo na kuepuka maswali magumu, inawaacha bila mafunzo na hawawezi kufikiria kuhusu jambo na kupata majibu ya Kibiblia. Hii inawacha kama wamechanganyikiwa na kukosa mwelekeo wanapokabiliwa na maswali haya magumu na kusikia majibu ya kidunia kutoka kwa maprofesa na wakubwa wao. Badala yake, tumia sehemu hii ili kusaidia wanafunzi wakubwa kufanya mazoezi ya kuwaza kwa kina. Anzisha majadiliano kati ya wanafunzi wakubwa. Usiwape "jibu sahihi," lakini waongoze kwa utaratibu hadi wafikie uamuzi wao wenyewe. Tumetoa majibu kadhaa kwa maswali haya magumu kama mwongozo kwa mwalimu.

Mchezo

Cheza mchezo pamoja na wanafunzi! Michezo ni muhimu sana kwa watoto, kwa kuwasaidia kukuza ujuzi wa kijamii. Mbali na hilo, inafurahisha pia! Hii ni zana nzuri ya kuhamasisha watoto zaidi kuja na kusikia kuhusu Yesu, wakati marafiki zao wanawaalika kwenye darasa lako la kufurahisha.

Kazi ya nyumbani

Maandiko yanasema kuwa sio vizuri kwetu kuwa wasikilizaji wa Neno la Mungu lakini sio watendaji (Yakobo 1:22-25). Fundisha watoto kutumia Neno la Mungu kwa maisha yao ya kila siku kwa kufanya mambo wanayojifunza. Chukua dakika chache kuwathawabu watoto wanakamilisha shughuli za wiki iliyopita kwa kutumia pipi au tuzo ndogo.

Kadi

Tumia kadi hizi kama thawabu ya mahudhurio. Kila moja ina muundo wa kupendeza katika upande wa mbele pamoja na fungu la kumbukumbu katika upande wa nyuma.

Ratiba

Fungua

- Karibu
- Wimbo

Mchezo wa kuigiza na somo

- Sehemu ya tamthiliya 1
- Somo
- Sehemu ya tamthiliya 2

Shughuli

Fanya wasifu na sehemu ya haki wakati unafanya shughuli zingine, kama kitabu cha mwanafunzi au vitafunio.

- Mstari wa kumbukumbu
- Vitabu vya wanafunzi
- Maswali na majibu (wanafunzi wazee)
- Mchezo (hiari)

Karibu

- Kazi
- Kadi za Msaada

Kifalme au maskini?

0 1



Kusafiri kwenda Bethlehemu: Luka 2:1-5

MCHEZO WA KUIGIZA (SEHEMU YA KWANZA)

Ajenti anajiunga na Timu ya Haki na kukutana na kiongozi na mchunguzi kwa mara ya kwanza. Kiongozi anafanua kwa ufupi jukumu la Timu ya Haki: kuchunguza maisha ya Yesu moja kwa moja kwa kurudi nyuma kwa wakati kupitia mashine ya wakati na kuchunguza mifano ya haki na kumfuata Yesu katika nyakati za kisasa. Ajenti atasaidia Kiongozi na Mchunguzi katika misheni ya kusafiri kwa wakati. Misheni ya leo ni kukutana na wazazi wa Yesu na mahali na jamii ambayo waliishi. Kiongozi anatoa ishara kwa Mdhhibiti wa Operesheni (aidha muigizaji mwingine au mtu wa kubuni asiye kwenye jukwaa) na anapanda kwenye mashine ya wakati pamoja na Mchunguzi na Ajenti. Katika hatua hii katika michezo yote ya kuigiza, pindua mashine ya wakati ikiwa inawezekana na utoe athari za sauti katika sehemu ya kusafiri kwa wakati. Fundisha somo kuu kisha warudishe wahusika hawa kwa sehemu ya 2 ya mchezo wa kuigiza.

SOMO LA 1

Wanandoa wachanga walisafiri kwenye barabara ndefu na yenye vumbi. Mfalme wa nchi yao alikuwa amesema kila mtu lazima aende katika mji wa familia yao ili ahesabiwe. Kwa hivyo, walianza safari ya siku 5 ya kwenda katika mji wa mababu zao, Bethlehemu. Hakukuwa na magari, mabasi, ndege au hata baiskeli, kwa hivyo walitembea. Labda walikuwa na punda, lakini labda walitembea. Lazima kulikuwa na watu wengi waliokuwa wakitembea.

Yosefu na Mariamu walikuwa vijana ambao walikuwa wamechumbiana ili kufunga ndoa. Hawakuwa matajiri. Yusufu alikuwa na kazi ya kuunda fanicha na Mariamu alikuwa msichana mdogo tu. Hawakuwa na chochote cha kuwafanya waonekane wa kipekee.

Lakini wote wawili Yosefu na Mariamu walikuwa watu maalum. Wote walikuwa wazao wa mfalme wa zamani wa Israeli, Daudi. Hii ni muhimu kwa sababu Daudi alikuwa mfalme maarufu na alijulikana kama "mtu aupendezaye moyo wa Mungu mwenyewe". Hii ilimaanisha kuwa Yosefu na Mariamu walikuwa wa kifalme kwa kuwa mababu zao walikuwa wafalme. Aidha mmoja wao au watoto wao wangeweza kuwa mfalme kisheria! Lakini, kwa wakati huu, Israeli haikuwa na mfalme wake. Walitawaliwa na mfalme mwingine anayelitwa Kaisari, ambaye aliwataka wasafiri kwenda Bethlehemu.

Hii inavutia sana tangu manabii wa zamani ambao walizungumza kwa niaba ya Mungu walisema kuwa mfalme mpya anayelitwa Masihi atazaliwa katika Bethlehemu. Huu ni mji wa Daudi na walikuwa kizazi cha Daudi.

Kwa hivyo, jukwaa limeandaliwa. Wanandoa wa damu ya kifalme wanaenda mahali ambapo mfalme mpya, mkuu angezaliwa. Hii haikuwa bahati bali kitu cha ajabu ambacho Mungu alipanga.

Kwa hivyo, walikuwa watu wa kifalme au watu wa kawaida tu? Wote walikuwa!

Mungu anataka sisi tuwe watoto wake pia! Kwa kweli, hii ndio sababu Mungu alimtuma Yesu Duniani, ili kufanya iwezekane sisi kuwa wana na binti za Mungu! Je, wewe ni mtoto wa Mungu? Je, unaweza kumuita Mungu "Baba?"

FUNGU LA 1 LA KUMBUKUMBU

1 Petro 2:9 “Bali ninyi ni mzao mteule, ukuhani wa kifalme, taifa takatifu, watu wa milki ya Mungu, mpate kuzitangaza fadhili zake yeye aliyewaita mtoke gizani mkaingie katika nuru yake ya ajabu.”

MCHEZO WA KUIGIZA (SEHEMU YA PILI)

Baada ya somo, Kiongozi, Mchunguzi na Ajenti wanarejea kwenye mashine ya wakati hadi wakati wa sasa. Wanajadili walichokiona: kwamba Mariamu na Yosefu walionekana wa kawaida na sio tofauti kabisa na mtu mwingine. Inashangaza kuona jinsi walipata umaarufu katika historia yote na kwamba Mungu aliwachagua kumtunza Mwanawe. Ajenti anajulisha wengine kuwa hajakuwa akiwatendea wengine inavyofaa lakini sasa anatambua kuwa kila mtu anayekutana naye ana thamani kubwa machoni mwa Mungu.

HAKI YA 1

Ni rahisi kudhani kuwa watu walio katika hali duni wana haki au thamani ndogo kuliko wengine. Lakini watu wote ni viumbe wa Mungu na anathamini kila mtu na huwapa njia ya kuwa wana na binti za Mungu kupitia Yesu.

WASIFU (BABA) 1

Baba ana jukumu la msingi la kutunza familia yake. Hiyo inamaanisha sio tu kusaidia mama kuwatunza na kuwafundisha watoto, lakini pia kutafuta njia za kuwatunza. Lazima awe macho kwa ajili ya mahitaji maalum ya kila mtoto ili yeye na mama waweze kushirikiana ili kukuza ustadi huo wa kipekee.

Wajibu: Baba lazima ajifunze kuweka kando mapendeleo na matamano ya kibinafsi na ajifunze kuzingatia maisha yake kwa yale ambayo familia yake inahitaji. Kwa kuwa mama kwa ujumla hufanya kazi moja kwa moja pamoja na watoto, baba anaweza kusaidia katika jambo hilo, na pia kuwa na ufahamu wa jinsi anavyoweza kumsaidia mama kihisia na kimwili. Baba anapaswa kugundua kuwa kazi zake na chaguo za maisha hauathiri sio tu yeye, bali pia mama na watoto.


Fursa: Baba anayo nafasi ya kipekee ya kusaidia familia yake kuwa na maisha yenye kuridhisha. Katika Zaburi 127: 4-5 *Watoto waliozaliwa wazazi wakiwa bado vijana, ni kama mishale mikononi mwa askari. Heri mtu aliye na mishale hiyo kwa wingi.* Tera, baba ya Abrahamu, (Mwanzo 11:31) aliweza kuwa na maono ya mambo bora juu ya familia yake katika Kanaani. Akaondoka Uri, kiini cha ustaarabu na kwenda mahali alipoujenga mji. Lakini mtoto wake Abrahamu alionekana kuwa na mawazo wazi kuhusu kusafiri hata zaidi na kuelekea nchi ya ahadi ya Kanaani. Baba anaweza kuwa na ushawishi mkubwa kwa vizazi vyake vijavyo.

MASWALI NA MAJIBU YA 1

Ninawezaje kujua kuwa mimi ni mtoto wa Mungu? (Waongoze watoto kusoma mafungu katika Yohana 1:12-13 na uwape wakati wa kujadiliana.)

Je, ikiwa nitafanya makosa, naweza kupoteza baraka za Mungu juu ya maisha yangu? (NDIYO... kuna wale ambao wamepoteza kila kitu kwa sababu maadili yao hayakuwa sawa, lakini bado kuna wale ambao wamepigania baraka zao!).

Mungu anataka nini kutoka kwangu? (Sote tuna vipawa tofauti za Mungu na uwezo, Mungu anaweza kututumia sote kwa njia moja au nyingine ili kuonesha utukufu wake katika ulimwengu huu na kuwafikia watu wengi zaidi. Mungu pia anaweza kututumia nje ya vipawa vyetu, na wakati mwingine anataka kuonyesha ukuu wake kupitia udhaifu wetu. Anajali zaidi kuhusu mtu aliye tayari na anayepatikana kufanya kila kitu



anachoomba.)


Jina la mji ambao Yosefu na Mariamu walipaswa kwenda ni gani? (Bethlehemu)

Je, katika siku za Yosefu na Mariamu kulikuwapo na treni? (Hapana, kulikuwa na mikokoteni tu iliyoburutwa na punda au kulikuwa na farasi na ngamia pia.)

MAJIBU YA 1 YA MAFUMBO

Tafuta neno



A	Y	I	S	A	M	D	L	O	M	A	T	I
B	J	S	L	K	I	F	A	L	M	E	R	O
T	R	P	G	I	N	O	M	U	N	S	E	I
H	A	D	I	A	W	A	K	Z	D	V	T	N
A	W	I	R	I	B	A	T	O	Y	I	L	I
M	A	A	L	U	M	Z	W	R	P	N	W	K
A	I	R	A	M	N	E	O	E	N	A	B	S
N	I	U	M	E	H	E	L	H	T	E	B	A
I	P	Y	U	S	U	F	U	O	E	O	A	M
U	F	I	T	A	K	A	T	R	L	B	W	E
V	T	J	J	S	H	A	Z	A	W	Z	A	



MCHEZO WA 1

Mbio za gunia

Pata magunia makubwa, kama magunia ya viazi au gunia lingine ambapo washiriki wanashikilia gunia karibu na miguu yao na wanapaswa kuruka kutoka kwenye mstari wa kuanzia hadi mstari wa kumaliza. Elezea hadithi ya biblia kwa kuita mstari wa kuanzia Galilaya na mstari wa kumaliza Bethlehemu. Ikiwa kuna watoto wengi, chagua washiriki wachache kucheza kama thawabu ya tabia nzuri. Unaweza pia kugawanya watoto kwa timu na kuwa na mbio ya kupokezana.



KAZI YA 1 YA NYUMBANI

Andika orodha ya njia 5 ambazo wewe ni mtu wa kawaida na orodha ya njia 5 ambazo wewe ni kifalme kwa sababu uko katika familia ya Mungu. Kwa mfano: Hakuna mtu katika mji wangu anayejua jina langu. Mungu ananijua na ameandika jina langu katika kitabu chake cha uzima.



Yosefu alioa Mariamu: Mathayo 1:18-25

MCHEZO WA KUIGIZA (SEHEMU YA KWANZA)

Ajenti anashiriki uvumi na Upelelezi kwamba kiongozi wao hana maarifa ya kuendesha mashine ya wakati. Sasa wanamshuku kiongozi huyo wanapopanda kwenye mashine ya kurudi nyuma kwa wakati ili kushuhudia hadithi kutoka kwa maisha ya Yesu, wakiogopa kwamba hawataweza kurudi kwa wakati wa sasa.

SOMO LA 2

Yosefu alikuwa na tatizo kubwa. Alikuwa amechumbiana na msichana aliyeitwa Mariamu na alikuwa mja mzito Lakini kila mtu alijua kuwa ni watu walioolewa tu ambao walipaswa kuwa waja wazito. Yosefu aliamua kumaliza uchumba wao kimya kimya ili Mariamu asiumie. Lakini basi, Yosefu alikuwa na ndoto ambapo malaika wa Mungu alimwambia kwamba hafai kuogopa kuoia Mariamu kwa sababu mtoto huyo alikuwa anatoka kwa Mungu. Pia, angempa mtoto jina la Yesu kwa sababu angeokoa watu kutoka kwa dhambi zao. Na hivyo ndivyo Yosefu alifanya.

Ni wazi kwamba Yosefu alikuwa rafiki mkubwa sana kwa Mariamu! Alithamini Mariamu na akasimama naye. Je, umewahi kushtakiwa kwa jambo mbaya ambalo haukufanya? Au kuna uvumi ulioanzishwa kukuhusu ambao haukuwa kweli? Je, si ingekuwa ya kutia moyo kuwa na rafiki ambaye angekuamini na kukutetea katika nyakati hizi?

Ni rahisi sana kudharau wengine kwenye mitandao ya kijamii na kueneza porojo mtaani. Kuna tuhuma nyingi za uwongo na uvumi zinazoanzishwa na kuenezwa karibu nasi. Na matendo haya yanaweza kuathiri vibaya mtu.

Unaweza kuwa rafiki mzuri kwa mtu mwingine! Usikubali uvumi au tuhuma kuhusu watu. Badala yake, kuwa rafiki wa kweli. Tetea watu wanaoshukiwa vibaya. Usichapishe mambo yasiyo mazuri kuhusu mtu mwingine mtandaoni. Usisambaze chapisho mbaya.

Hii ndio aina ya rafiki tuliye naye katika Yesu. 1 Yohana 2:1 inatuambia kwamba Yesu yuko na Mungu Baba na kila wakati anasema mambo mazuri kutuhusu.

FUNGU LA 2 LA KUMBUKUMBU

Yakobo 4:11 "Ndugu, msisingiziane; amsingiziaye ndugu yake, au kumhukumu ndugu yake, husingizia sheria na kuihukumu sheria. Lakini ukiihukumu sheria, huwi mtenda sheria, bali umekuwa hakimu."

MCHEZO WA KUIGIZA (SEHEMU YA PILI)

Baada ya somo kuu, wanapojiandaa kurudi wakati wa sasa, mashine ya wakati inavunjika na inaacha kufanya kazi. Maajenti hawajui la kufanya, lakini kiongozi anapanda nyuma ya mashine na kufanya mabadiliko ya kiufundi hadi inapoanza kuanya kazi tena. Wanaporejea wakati wa sasa, maajenti wote wawili wanagundua kuwa wanahitaji kutilia shaka uvumi unaonezwa kuhusu kiongozi wao na hawataeneza tena uvumi huo.

HAKI YA 2

Mara nyingi, tunatafuta makosa ndani ya watu wengine. Inafanya tuhisi vyema tunapodhani kuwa labda sisi ni bora kuwaliko. Lakini sisi sote tumetenda dhambi. Kwa bahati nzuri, Mungu ametupa wokovu kutoka kwa dhambi zetu. Mungu huwaangalia watu ambao hawajaokoka kwa upendo na anatumaini kwamba watatubu dhambi zao. Tunapaswa kuona na kuwatendea watu jinsi Mungu anavyofanya.

WASIFU (WAKILI) WA 2

Kazi ya wakili ni kutetea watu. Ikiwa hii ni kazi yako, ni vizuri kujua kwamba Mungu anahitaji mawakili ili kusaidia katika kulinda watu. Mara nyingi kuna watu ambao wanawadhulumu watu masikini kwa sababu hawawezi kujilinda. *Zaburi 82:3 Wapeni wanyonge na yatima haki zao; tekelezeni haki za wanaooneka na fukara.*

Wajibu: Wakili ana jukumu la kufahamu sheria, kwa kweli, lakini lazima pia ajue kuhusu aina za matukio ambayo yanafanyika kwenye mahakama katika jamii. Inaweza kuwa ngumu kuona tofauti kati ya mtu anayedhulumu maskini na mtu masikini akijaribu kuchukua fursa ya mtu mwingine.

Fursa: Mafunzo ambayo mawakili wanahitaji yanawaweka katika nafasi nzuri katika jamii ya kulinda sio wateja wao tu, bali jamii pia. Wanakuwa na ujuzi wa kuingiliana na kila aina ya watu, ili waweze kutetea jambo fulani na kuwasilisha maoni mazuri ya Mungu. Pia wanaelewa utendaji wa ndani wa jamii na wanaweza kuamua ni mwelekeo gani unaoweza kuleta mambo mazuri.




MASWALI NA MAJIBU YA 2

1. Ikiwa Yesu ndiye wakili wangu, ninaweza kufanya kile ninachotaka na kuwa sawa na Mungu kila wakati? (Mungu hutusamehe hata wakati tunatenda dhambi mbaya na kuomba msamaha. Lakini Yesu Kristo alisema wazi kuwa hatuwezi kufanya kitu chochote tunachotaka na kuwa sawa na Mungu. Ingawa kumwamini Yesu ni hitaji ili kwenda mbinguni, na wala sio kazi nzuri, wakati mtu anamwamini Yesu, Roho Mtakatifu hufanya kazi ndani yake ili kubadili moyo wa mtu kuzaa matunda mazuri. Paulo anatuambia kwamba tunafanya kazi ya wokovu wetu kwa woga na kutetemeka. Hauwezi kujiokoa, lakini tunaweza kumwamini Mungu atuokoe.)
2. Kwa nini kuna watu wabaya kabisa?
Watu wengi hamwamini Mungu na hawaamini neno lake kwamba tutazawadiwa kwa matendo yetu kwa milele daima. Watu wengine wana mioyo migumu na yenye uchungu na wanamkataa Mungu na watu Wake. Mara nyingi, watu huumiza wengine kwa sababu wao wenyewe wanaumia ndani yao. Kwa mfano, mtu anayependa kudukiza kompyuta na kusababisha uharibifu anaweza kuwa analipiza kisasi cha kutohisi salama kwa kutumia nguvu dhidi ya wengine. Upendo wa Mungu kwetu ni mkuu, wa kushangaza na safi, na walimwengu hawawezi kuelewa au kuukubali.
3. Ninawezaje kuthibitisha ikiwa uvumi ni ukweli? Je, nitafanya nini na uvumi huo?
Hatupaswi kamwe kueneza uvumi, hata ikiwa ni kweli au sivyo. Watu tu ambao wanapaswa kujua mambo mabaya kuhusu watu wengine ni wale walio katika nafasi za mamlaka ambao wanahitaji kulinda wengine. Kama kijana, unaweza kushauriana na mtu mzima anayeaminika kama baba au mama yako, mwalimu, au mchungaji ili akusaidie ujifunze kuwa na hekima.

- Je, ni vitu gani ambavyo Yosefu alihatarisha? Alipata manufaa gani mwishowe?
Sifa katika mitaa na za muda mfupi, kazi, nyumba, uongozi katika siku za baadaye... Kulea mtoto wa Mungu, jina lake kuwapo katika Bibilia, sifa ya milele kama mtu mwadilifu...
- Ni nini kilitokea katika ndoto ya Yosefu?
Aliota malaika akimwambia amchukue Mariamu kama mke wake.


MAJIBU YA 2 YA MAFUMBO



MCHEZO

Mbio za kupokezana

Gawanya watoto kwa timu. Weka bodi ya kufutwa au karatasi kubwa upande wa mbali wa chumba. Unaposema nenda, mtoto mmoja kutoka kwa kila timu anakimbia na kuandika neno la kwanza kutoka kwa fungu la kumbukumbu. Kisha mtoto anakimbia na kalamu na kumpa mshiriki anayefuata wa kikundi ambaye anakimbilia kwenye karatasi na kuandika neno linalofuata katika fungu na kadhalika. Timu ya kwanza kumaliza inakuwa washindi.



KAZI YA NYUMBANI

Unaposikia uvumi kuhusu mtu wiki hii, sema wazi ni uvumi tu na kwamba tunapaswa kutilia shaka uvumi huo na kuwaza mambo mazuri kuhusu mtu huyo.

Kuzaliwa kifalme au kwenye unyenyekevu?

03



Kuzaliwa kwa Yesu: Luka 2:4-20

MCHEZO WA KUIGIZA (SEHEMU YA KWANZA)

Kiongozi anajadili mpango wa leo na Mchunguzi na Ajenti. Mchunguzi anafikiria kwamba kwa sababu ana uzoefu zaidi, anapaswa kwenda kwenye boma na kumwona Yesu mchanga. Kiongozi anasema ni bora kwa Mchunguzi pamoja na Ajenti kwenda kusubiri na wachungaji wakati Kiongozi anaenda moja kwa moja kwenye hori. Mchunguzi anaonyesha kutoridhika wakati wanapanda kwenye mashine ya wakati kwenda kwenye misheni yao.

SOMO LA 3

Kondoo sio makini sana, lakini wanapenda kula, kwa hivyo lazima watunzwe. Kutunza kondoo sio kazi ngumu. Hautaji digrii ya chuo kikuu au mafunzo maalum na hautalipwa mshahara mkubwa. Lakini lazima uwe mjasiri na wa kutegemewa sana. Lakini jambo kubwa ni kwamba, kwa kuwa kondoo watakuwa tu kondoo siku zote, wachungaji lazima wafanye kazi ya uchungaji kila siku. Hii itakuwa kazi isiyo ya kususimua.

Soma Luka 2:8-20

Mungu aliamua kuwa watu wa kwanza angewafahamisha kuhusu Yesu wangukuwa kundi la watu wa kawaida. Nadhani ningechagua viongozi wa dini au watu mashuhuri kabisa, lakini Mungu alichagua wachungaji. Katika maisha yake yote, Yesu alichagua kutumia wakati wake pamoja na watu wa kawaida, sio matajiri, sio watu mashuhuri.

Kwa nini Yesu alifanya hivi? Yesu hakuja kuokoa tu watu matajiri na wenye nguvu na maarufu. Alikuwa kuokoa kila mtu na ili kufanikisha hili, Akawa mtu wa kawaida ambaye tunaweza kumwona kama rafiki.

Angeweza kudai nguo nzuri zaidi lakini badala yake hakuwa na vitu vingi. Angekuwa na watumishi wengi, lakini badala yake alikuwa tayari kutumikia wengine. Angekuwa na kasri nzuri, lakini badala yake Biblia inavyosema Yeye hakuwa na hata mahali pa kupumzisha kichwa Chake. Angeweza kula chakula kizuri lakini badala yake alichagua kutengeneza divai katika karamu ya mtu mwingine na kuwalisha wengine. Kwa njia hii, hatungefikiria tunahitaji utajiri au mamlaka ili kuwa na uhusiano na Yesu.

FUNGU LA 3 LA KUMBUKUMBU

2 Wakorintho 8:9 “Maana mmejua neema ya Bwana wetu Yesu Kristo, jinsi alivyokuwa maskini kwa ajili yenu, ingawa alikuwa tajiri, ili kwamba ninyi mpate kuwa matajiri kwa umaskini wake.”

MCHEZO WA KUIGIZA (SEHEMU YA PILI)

Wakirudi katika mashine ya wakati kutoka kwa misheni yao, Mchunguzi na Ajenti wote wawili wanasimulia kwa furaha onyesho kubwa la malaika wa kuimba waliowaona angani na wachungaji, wakati wakishiriki picha walizopiga kwenye tukio hilo. Kiongozi anauliza Mchunguzi maoni yake kuhusu shughuli yake. Anakubali kwamba ingawa alitumia muda mwingi kusubiri ngojewa shambani na wachungaji, mwishowe hakuona malaika wote wakiimba, lakini aliwafuata wachungaji na akamwona mtoto Yesu pia.

HAKI YA 3


Kama vile Yesu hakutaka kuheshimiwa hata kama alistahili, tunaweza kuwa wanyenyekevu, bila kudai kutendewa kama wafalme na malkia ambao mungu Mungu ametufanya.

WASIFU (MCHUNGAJI) WA 3

Mojawapo ya kazi nzuri kwa wafanyikazi mpya ni ile ya mchungaji. Wote Musa na Mfalme Daudi walikuwa wachungaji, na Mungu alituma malaika kwa wachungaji kutangaza kuzaliwa kwa Yesu.

Jukumu: Mchungaji lazima ajue matakwa ya yule ambaye anamfanyia kazi, kama vile kumwongoza kwenye malisho mazuri kisha nyumbani tena. Mchungaji lazima awalinde kutoka kwa wanyama, kutokana na mimea hatari, kutoka kwa hali mbaya ya hewa, na kutoka kwa eneo la hatari. Mchungaji lazima afuatilie kondoo ili ajue ikiwa moja itakwama msituni au kuchukuliwa na mwizi.

Fursa: Kama mchungaji, unaweza kujifunza mengi kuhusu wanyama na jinsi ya kuwatunza bora. Chakula bora huwafanya wakuwe bora, ulinzi kutoka hatari hufanya kazi yako iwe rahisi. Na wakati unasubiri, unaweza kuleta nyenzo kutoka kwa darasa lako la Shule ya Jumapili na kukariri mafungu, kuwaza kuhusu masomo, na kujifunza jinsi ya kutumia masomo hayo maishani mwako.




MASWALI NA MAJIBU YA 3

1. Ni muhimu kushirikiana na kila mtu, sivyo? (Wacha wjadiliane kuhusu mvutano wa kumpenda jirani yako lakini kuweka Mungu kwanza. Biblia inasema kwamba tunapaswa kuishi kwa amani kadri iwezekanavyo (Warumi 12:18), lakini kwamba lazima tumfuate Mungu bila kujali maamuzi ya wengine (Yohana 21: 22) Jadili hali maalum, ikiwa ni mifano ya kutafuta amani au kufuata Mungu au ikiwa kuna njia ya kufanya yote mawili.)
2. Je, inammanisha nini kuwa mnyenyekevu? (Unyenyekevu ni fadhila, ambayo mwanadamu anayo katika kutambua uwezo, sifa na uwezo wake, na kuchukua fursa ya vitu hivyo kwa manufaa ya wengine, bila kusema hivyo. Unyenyekevu humfanya mtu kuwa mwaminifu na anayeweza kubadilika. Jinsi mtu anavyokuwa mnyenyekevu ndivyo anavyoimarisha ukuu katika mioyo ya wengine.)
3. Watu wote wazuri huenda mbinguni, sivyo? (HAPANA, Mungu hajawahi kutuomba tuwe wazuri ili kuingia mbinguni, lakini alituomba tumkabidhi mioyo yetu).
4. Je, Mungu angependa tuwe matajiri? (Wacha watoto wjadili hii, kisha taja kwamba kuwa na pesa sio jambo mbaya. Inakuwa mbaya unapoupa kipaumbele utajiri mbele ya Mungu au unapotaka kumfuata Mungu ili upate kitu. Mungu anapendelea tufuate hazina ya mbinguni badala ya dunia hii (Wakolosai 3:2)
5. Ikiwa ungemtembelea mtoto Yesu, ungempa nini? (Ruhusu watoto kutaja zawadi zao.)

MAJIBU YA 3 YA MAFUMBO 3

Tafuta neno

S	M	I	A	W	I	B	M	A	I	L	A	A
W	E	Y	O	D	E	U	J	O	I	K	T	I
A	M	B	D	E	L	O	I	A	J	A	S	K
C	L	I	E	A	O	Z	C	P	T	R	N	I
H	A	M	A	D	J	T	B	O	E	T	P	M
U	F	M	N	Y	E	N	Y	E	K	E	V	U
N	I	O	T	G	I	N	O	U	W	N	M	T
G	K	R	E	A	S	P	Z	O	L	U	F	U
A	E	A	D	L	Z	A	D	I	A	W	A	K
J	R	C	W	P	L	A	T	O	Z	S	L	O
T	J	A	T	I	H	A	M	N	W	I	M	E
E	O	U	W	F	B	Y	J	O	U	O	E	L
L	N	A	M	I	H	S	E	H	I	Z	O	N



MCHEZO WA 3

Mstari kwa mstari

Tumia mchezo huu ili kusaidia watoto wakariri kifungu. Rudia kifungu mara kadhaa ili ukifahamu kabisa. Gawanya watoto kwa vikundi 2 kwa kuwafanya wahesabu 1, 2, 1, 2, nakadhalika na waamuru wote walio na 1 kwenda upande mmoja na wote walio na 2 kwenda upande mwingine wa chumba. Timu zinabadilishana kurudia fungu la kumbukumbu, kila timu inabadilishana kusema neno au kifungu cha maneno kutoka kwa fungu. Baada ya kukariri, gawanya watoto kwa vikundi viwili vipya kwa kuhesabu 1 na 2 tena. Vikundi vipya vinabadilishana kurudia fungu hilo tena. Baada ya zamu kadhaa za hii, kuwa na wajitolea wawili, mmoja kutoka kwa kila kikundi, wakariri pamoja kifungu kama vile kikundi kilivyofanya. Halafu wajitolea wanaweza kujaribu kukariri fungu lote bila kuangalia. Cheza na ufanye mazoezi hadi kila mtu aweze kukariri fungu hilo vizuri.



KAZI YA NYUMBANI YA 3

Tengeneza taarifa ya kutoa shukrani na umpe mtu kama njia ya kumshukuru kwa jambo analofanya. Fikiria kuhusu mtu ambaye hadai heshima hata, kama Yesu, anastahili heshima kuliko jinsi anavyopata. Mfano: Wafanyakazi wa dharura, wasafishaji barabarani, wakusanyaji wa takataka, wauguzi.



Familia ya Yesu ilienda Misri: Mathayo 2:13-23

MCHEZO WA KUIGIZA (SEHEMU YA KWANZA)

Mchunguzi anawaambia wenzake kuhusu ziara na familia ya wahamiaji wikendi iliyopita, jinsi utamaduni wao ulivyomchanganya na jinsi maoni yao yalivyomuumiza. Kiongozi na Ajenti wanajaribu kumtia moyo kwamba ilikuwa vyema kupata marafiki wapya na kusaidia familia kuhisi imekaribishwa katika eneo hilo. Mchunguzi hataki kuwatembelea tena. Baada ya majadiliano hayo, wanaanza misheni yao kwa siku ya kurudi nyuma kwa wakati na kumwona mtoto Yesu na familia yake wakihamia Misri kwa muda.

SOMO LA 4

Kuhamia mji au nchi nyingine kunatatiza na ni ghali, kwa hivyo unahitaji sababu nzuri ya kuhama. Lazima utafute kazi mpya na upate maduka mazuri na mahali pa kupata huduma muhimu. Watu hata huva na kuzungumza tofauti. Utakuwa na wasiwasi.

Soma Mathayo 2:13-23

Uhamiaji huu wote ulitabiriwa na manabii wa zamani na wote wawili walisaidia kuonyesha kwamba Yesu alikuwa Masiya.

Lakini kurudi Israeli ilikuwa uamuzi mgumu! Mariamu na Yosefu na familia yao mpya walikuwa wamekataliwa na kutishiwa huko na sasa walikuwa na maisha mazuri katika Misri. Ingekuwa mimi ningeogopa sana, na ingekuwa vigumu kuwaamini wengine pale. Lakini malaika wa Mungu aliwaambia ilikuwa salama, kwa hivyo walitii.

Mariamu na Yosefu wanaonekana waliingiliana vizuri katika Nazareti na kuwa sehemu ya jamii ya Wayahudi tena, wakifanya marafiki na kupata kazi.

Tunaweza kwenda kila mahali ambapo Mungu anatuambia tuende. Yeye hutuandalia mahali na marafiki wapya na hali na tunaweza kuwa na hakika kila wakati kuwa hatua Yake ni bora na atakuwa pamoja nasi. Tunapaswa kujaribu kila wakati kuwa wazuri kwa watu ambao ni wageni kwa eneo letu. Kuwa marafiki zao, kuwatembeza karibu na kuwafanya wahisi kuwa ingawa wanatoka katika njia na mila tofauti, ni sawa.

FUNGU LA 4 LA KUMBUKUMBU

Waefeso 4:32 *“Tena iweni wafadhili ninyi kwa ninyi, wenye huruma, mkasameheane kama na Mungu katika Kristo alivyowasamehe ninyi.”*

MCHEZO WA KUIGIZA (SEHEMU YA PILI)

Wakirudi kutoka kwa misheni, wanajadili jinsi ilivyokuwa ngumu wakati walifuata familia ya Yesu kuingia katika jiji kubwa katika Misri na jinsi ilikuwa tofauti na mji wao. Ni lazima ilikuwa ngumu sana! Na walipokwenda mbele kidogo kwa wakati, walitazama familia ya Yesu ikirudi katika mji wao, wakikumbuka jinsi walivyokataliwa na hatari iliyowakumba walipokuwa wakienda Misri. Mchunguzi anatambua kuwa familia ya wahamiaji labda inahisi vile vile familia ya Yesu ilihisi katika Misri. Labda maoni yao ya kuumiza

hayakuwa mabaya sana kulingana na mila zao, na hakuwa katika hatari yoyote kama Yesu. Anaamua kujaribu tena kuwa marafiki na familia ya wahamiaji na kujaribu kuelewa mtazamo wao.

HAKI YA 4

Wakati mwingine tunakataliwa na marafiki au vikundi. Wakati hili linatatokea, ni ngumu kusamehe watu hao. Lakini wakati mwingine tunapata nafasi ya kurekebisha uhusiano au kujiunga tena na kikundi. Kwa msaada wa Mungu, tunaweza kufanya hivi bila kuwa na chuki.

WASIFU (DEREVA WA TEKSI) WA 4


Madereva wa teksi hutoa huduma muhimu kwa jamii. Dereva wa teksi anaweza kukuza ujuzi katika kutumikia, ambao Yesu anasema ndio msingi wa ufalme wake.

Wajibu: Siku zote kuna shirika ambalo madereva wa teksi wanashiriki au kufanyia kazi. Wataweka miongozo ya bei, mahali pa kuanza, saa, nk.

Fursa: Madereva wa teksi huingiliana na watu wakati wote. Wengine ni masikini, wengine ni matajiri. Wengine wana mahitaji ya kifedha; wengine hata wana mahitaji ya kihisia. Kama dereva, unaweza kuboresha ujuzi wako katika kusikiliza ili ujifunze hasa yale ambayo kila mtu anahitaji, na jinsi unavyoweza kusaidia ndani ya maeneo ya majukumu uliyonayo.

MASWALI NA MAJIBU YA 4


1. Je, napaswa nisikilize nani? (Kwanza, Mungu, kisha mamlaka iliyo juu yako hapa duniani.)
2. Shiriki hadithi ambayo ulitenda jambo nzuri lililooathiri uhusiano wako na Mungu na wengine. (Chagua kutenda mema na maamuzi madogo ambayo tunafanya kila siku. Mara nyingi tunachohitaji ni kushinda kiburi chetu, hii hutusaidia kuwa na udhibiti wa kufanya maamuzi bora zaidi katika siku zijazo.)
3. Je, umewahi kumsamehe mtu kwa kitu walichokutendea? Ulihisi vipi? (Ruhusu watoto waseme jinsi walihisi na uwakumbushe kuwa Mungu ametuita ili tuwe watu wa kusamehe.)
4. Je, unadhani ni nini kilifanya iwe ngumu zaidi kwa Mariamu na Yosefu kuondoka Misri kurudi Israeli? (Ruhusu kila mtoto aseme maoni yake)
5. Je, unadhani mnyama kipendwa wa Yosefu atakuwa mgani? (Waruhusu kushiriki, na wewe kama mwalimu unaweza kushiriki, pia. Wakumbushe aina za wanyama waliokuwapo katika eneo hilo.)



MAJIBU YA 4 YA MAFUMBO

Tafuta neno


P	V	A	N	O	L	J	C	I	D	E	F	L	E	A	R	S	T
H	O	K	I	L	D	A	B	A	M	G	R	S	M	D	G	B	E
R	Z	U	S	B	Z	D	M	V	J	R	A	I	A	S	Z	F	C
G	Y	D	A	L	I	T	A	B	I	R	I	U	P	T	F	A	O
M	K	N	T	U	C	F	U	O	P	K	U	H	A	M	A	I	U
W	A	L	W	O	S	Y	U	S	U	F	U	J	O	M	S	H	E
M	R	S	A	E	L	D	S	N	A	Z	A	R	H	T	U	J	M
L	I	E	I	F	T	N	I	E	F	L	B	S	Z	R	T	Z	P
E	M	S	G	Y	Z	L	A	Y	T	G	A	Y	U	S	W	G	I
P	U	C	R	M	A	H	S	I	V	S	A	M	E	H	B	P	S
N	O	I	S	I	C	E	I	T	E	R	A	Z	A	N	C	L	V



MCHEZO WA 4

Mbio za Majani

Mpe kila mtoto jani nyepesi kutoka kwa mmea fulani na mrija wa kunywa. Gawanya watoto kwa vikundi. Eleza kwa kila timu kuhusu eneo ambalo lazima watajaribu kuweka majani yao yote. Wakati unapoashiria kuanza, wachezaji wote wanatupa majani yao hewani, na lazima wajaribu kuweka majani yao yote kwenye eneo lao kwa kusukuma tu kupitia mrija. Timu ambayo inayoongoza kuweka majani mengi kwenye eneo lao inashinda. (Labda sio majani yote ni yao, ikiwa watafanikiwa kupata majani ya timu hio nyingine katika eneo lao).



KAZI YA 4 YA NYUMBANI

Pata mtu ambaye amehamia eneo lako hivi karibuni na uaulize maswali hadi ugundue kitu kinachofanana na chako. Je, ninyi wawili mnafurahia nini? Waalike kanisani mwako.



Yesu kwenye hekalu: Luka 2:41-51



MCHEZO WA KUIGIZA (SEHEMU YA KWANZA)

Ajenti anachezacheza na kifaa chake cha mawasiliano, akibadilisha mipangilio yake yote ili kujifurahisha. Wakati timu inakusanyika kwa misheni ya leo, Kiongozi anaambia kila mtu abadilishe mipangilio yao. Ajenti hayupo makini na ajifanya kila kitu ni sawa na yuko tayari. Wakati anahojiwa na Kiongozi, Ajenti anaanza kujitetea na anaendelea kupuuza zaidi mazungumzo ya Kiongozi, akimwingilia na kumkatiza. Wakati mashine inawasha, wanapanda kurudi nyuma ili kuona Yesu kama mvulana wa miaka 12 kwenye hekalu.

SOMO LA 5

Lazima ilikuwa ya kupendeza kuwa na Yesu kwa mwana wako!

Soma Luka 2:41-51

Hebu fikiria kuhusu jinsi walivyoshangaa na kuwa na fahari wakati Yosefu na Mariamu walipata mtoto wao wa miaka 12 Yesu ameketi na viongozi wa dini wakijadiliana mambo ya Mungu. Majibu yake kwa maswali yalikuwa yenye busara kiasi kwamba wazee walikuwa wakimsikiliza. Na Yesu pia alisikiza wengine, alitaka kusikia walichosema pia.

Jambo hili liashiria nini kuhusu sifa za Yesu. Alikuwa mwadilifu vya kutosha kiasi kwamba wazazi wake walimwamini alipokuwa na umri wa miaka 12. Yesu alikuwa ameonyesha uaminifu na uadilifu mkubwa hata akiwa mtoto.

Yesu alikuwa mjasiri kukaa na kuzungumza na watu wazima walioelimika lakini pia alikuwa na busara ya kukaa na kuwasikiliza pia.

Mungu pia hufanya kazi kupitia watoto wake wote, pamoja na wewe na mimi! Kwa kweli, vijana wana mtazamo tofauti kuhusu maisha kuliko watu wazima na Mungu anataka kutumia hili. Mtume Paulo, katika barua yake kwa Timotheo alisema, "Mtu asikudharau kwa kuwa wewe ni kijana, bali uwe mfano mwema kwa waamini wote kwa maneno yako, kwa mwenendo wako, katika upendo, imani na usafi." (1 Timotheo 4:12) Unaposoma Biblia yako, kusali na kusikiliza kile Mungu anachokuambia, atakuonyesha mambo kwenye Biblia ambayo haujawahi kuona hapo awali. Baadhi ya mambo hayo yanaweza kuwa kwa manufaa yako tu na mengine ni ya kushiriki na wengine.

Tunapozungumza na watu, ni vizuri kuzungumza na kusikiliza pia. Kwa kweli, ingawa ni ngumu kusikiliza zaidi kuliko tunavyozungumza, ni muhimu kufanya hivyo. Na tunapozungumza, ikiwa tunaangazia mambo muhimu tu ambayo tuna uhakika, basi wengine watasikiliza.

FUNGU LA 5 LA KUMBUKUMBU

Yakobo 1:19 "Hayo mnajua, ndugu zangu wapenzi. Basi kila mtu na awe mwepesi wa kusikia, bali si mwepesi wa kusema; wala kukasirika."

MCHEZO WA KUIGIZA (SEHEMU YA PILI)

Wakirudi kutoka kwa misheni, Kiongozi anachukua Ajenti kando ili kuzungumza naye. Mipangilio isiyo sahihi kwenye kifaa chake ilifanya isiwezekane kufuatilia mahali walipo na kusalia pamoja, na mipangilio ya sauti kwenye kifaa chake ilifanye kifaa kiwe na kelele kubwa katika eneo la hekalu, tatizo kubwa kwa maajenti wa kusafiri kwa wakati. Walikuwa karibu kukwama katika misheni yao. Ajenti anakubali kwamba alikuwa na makosa na anasema kwamba atakuwa makini wakati mwingine.

HAKI YA 5

Yesu alifundisha, lakini pia alisikiza. Ni muhimu sana kuwasikiza wengine! Huenda tukajifunza jambo kwa kusikiliza, na humfanya mtu yule mwingine awe makini vizuri.

WASIFU (MWALIMU) WA 5

Walimu wana cheo muhimu sana. Wanatumiwa na Mungu kufundisha na kuwaongoza watu. Wakati mwingine tunafikiria kuwa waalimu ambao sio Wakristo sio wazuri, lakini Mungu anapenda watu wote na atafanya kazi na mtu yeyote ambaye anawajali watu wake anaowapenda. Nikadema alitambua kuwa Yesu alikuwa mwalimu aliyetumwa na Mungu. (Yohana 3:2)

Wajibu: Waalimu huwa chini ya mamlaka ya waajiri na wasimamizi wao, na lazima wafuate maelekezo yao. Lakini pia wanapaswa kuboresha ustadi wao wa kufundisha na ufahamu wa masomo ambayo ni jukumu lao. Hayo ni pamoja na kujua mengi kuhusu watu na jinsi wanavyoingiliana. Pia wanapaswa kufahamu jinsi jamii inavyobadilika na waweze kubadilisha mitindo yao ya kufundishia ili iweze kuingiana vizuri na wanafunzi.


Fursa: Waalimu wanapaswa kuboresha ujuzi wao wakati wote, na wao wenyewe wananufaika kutokana na hilo. Pia wanapata mtazamo mpya wa maisha ya wanafunzi wao wanategemea kile wanachofundisha ili kufanya maamuzi na kujenga msingi wa maarifa ambao wanahitaji kufanikiwa katika siku zijazo. Mwalimu pia anaweza kutambua ustadi wa mwanafunzi na kumwelekeza kufuata uwanja huo. Mwalimu mzuri hushawishi watu na vizazi vyao vijavyo.

MASWALI NA MAJIBU YA 5

1. Je, kutia moyo wengine kunaonyeshaje upendo? (Waombe wanafunzi watoe mifano halisi ili kudhibitisha maoni yao.)
2. Je, unaweza kukumbuka hali ambapo uliruhusu mtu mwingine afanye kile alichotaka badala ya kile ulichotaka? (Ni vigumu sana sisi wanadamu kuwaruhusu wengine washinde. Ruhusu wanafunzi wako washiriki hadithi za zamani ambapo wanamwacha mtu mwingine afanye kile alichotaka. Kwa bahati mbaya, watu wengine hawajawahi kuruhusu wengine washinde. Jadili jinsi ilivyo mbaya wakati haturuhusu wengine washinde, na jinsi Mungu anataka tuishi kwa amani na kila mtu kila wakati.)
3. Je, ni hali gani za kudhihakiwa, kukataliwa, au kushushwa moyo ambazo umeshuhudia darasani lako shuleni? (Kuza mazungumzo kati yao kuhusu hali tofauti walizoshuhudia, na jinsi vitendo hivyo sio vizuri, na humuumiza mtu.)
4. Je, ni nini unaweza kufanya ambacho hakuna mtu mwingine anaweza? (Waulize watoto waeleze mambo wanayoweza kufanya ambayo watoto wengine hawawezi, kwa mfano: kuongea hadharani, kuruka juu, kuimba, nk. Wakumbushe kuwa Mungu amempa kila mmoja kipaji maalum.)

5. Je, ungefikiria nini ikiwa ungemwona Yesu akiwa mtoto akijadiliana mambo ya Mungu? (Sikiliza majibu ya watoto)


MAJIBU YA 5 YA MAFUMBO



MCHEZO WA 5

Vikombe

Unda timu 2 au zaidi za watoto. Patia kila timu vikombe 6 kwenye mstari: 5 zimejazwa na maji na 1 cha mwisho ni kitupu. Kila timu pia ina mipira ya Povu (polisterini, polisterini iliyopanuliwa, au kitu kisicho na uzito mwingi ambacho kinaweza kuelea). Weka mipira wa Povu kwenye kikombe cha kwanza kilichojazwa na maji. Mtoto lazima apulize mipira kutoka kikombe kimoja hadi kingine mpaka uingie kwenye kikombe tupu. Kisha inakuwa zamu ya mchezaji mwingine. Timu inayofanikiwa kuweka mipira yao yote kwenye kikombe inakuwa washindi.



KAZI YA NYUMBANI YA 5

Fanya mazoezi ya kusikiliza na kukariri tena kwa maneno yako mwenyewe kile ulichosikia. Kwanza, soma kwa sauti maandiko ya Biblia na utambue kuwa Mungu anazungumza nawe kupitia maandiko haya, sema tena maana yake. Pili, sikiliza kwa umakini mwanafamilia na umwambie kile ulichosikia ili kujua ikiwa umelewa walichosema.



Ubatizo wa Yesu: Mathayo 3:13-17

MCHEZO WA KUIGIZA (SEHEMU YA KWANZA)

Ajenti anajifunza kidogo kuhusu ufundi wa mashine ya wakati na anaifahamu haraka sana. Hivi karibuni, ana mawazo ya njia za mkato za kuwasha mchakato kwenye mashine, akidai kuwa wanaweza kuokoa muda katika kila misheni ikiwa watachukua njia za mkato kupitia muundo wa mafuta na baadhi ya mipangilio. Leo fundi mkuu amekwenda likizo, na Kiongozi anaendesha mashine, lakini Ajenti anaendelea kumkatiza na kujaribu njia zake mpya. Ingawa amekasirika, Kiongozi anabaini kuwa inaonekana inafanya kazi, na wanaendelea na misheni yao.

SOMO LA 6

Yesu sasa ni mwanamume na yuko tayari kuanza huduma Yake ya hadharani. Alitaka kufanya mambo inavyofaa, kwa hivyo alimtembelea Yohana Mbatizaji ambaye alitambuliwa kama nabii wa Mungu. Yohana labda ndiye mtu pekee ambaye alielewa Yesu alikuwa wakati huo, na Yesu alitaka kubatizwa na Yohana. Ubatizo ni kuoshwa kwa sherehe ya hadhara inayoashiria mwanzo mpya kwa mtu.

Soma Mathayo 3:11-17

Ilikuwa siku njema! Yesu alithibitishwa kama Mwana wa Mungu na Mungu alisema alifurahishwa na Yesu! Je, si hilo linaweza kuwa jambo njema kusikia!

Hii ni hadithi ya ajabu. Yesu hakuhitaji idhini ya wanaadamu, hata ya manabii kama Yohana Mbatizaji, lakini Yesu alichagua kufuata hatua zote. Na matokeo yalikuwa makubwa sana. Mungu mwenyewe alithibitisha hadharani kwamba Yesu alikuwa Mungu na alikuwa akifanya kazi ya Mungu.

Tunapaswa pia kuwa tayari kufuata hatua zote zinazohitajika. Kuomba Yesu ili atupe wokovu, kujitoa kwa kubatizwa, kupata mafunzo, kufanya kazi chini ya waalimu na wachungaji wako, na kujifunza kutoka kwa wengine. Mungu atatumia vitu hivi vyote maishani mwetu kusaidia watu wanaotuzunguka.

FUNGU LA 6 LA KUMBUKUMBU

Waebrania 13:17 "Watiini wenye kuwaongoza, na kuwanyenyekea; maana wao wanakesha kwa ajili ya roho zenu, kama watu watakaotoa hesabu, ili kwamba wafanye hivyo kwa furaha wala si kwa kuugua; maana isingewafaa ninyi."

MCHEZO WA KUIGIZA (SEHEMU YA PILI)

Wakirudi kutoka kwa misheni yao, washiriki wote wa timu wamechafua nywele zao na wamejawa na vumbi katika nguo zao. Walikuwa wamekwama kwa siku zilizopita, wakijaribu kurekebisha sehemu ya mashine ambayo iliharibiwa wakati wa kurudi nyuma kwa wakati. Njia za mkato kwenye mashine zilikuwa zimewagharimu muda mwingi na walikuwa karibu kukosa kurudi. Wakiwa wamechoka, wanashukuru kuwa wamerudi na tayari kurejea nyumbani na kupumzika.

HAKI YA 6


Inaweza kuwa ya kuvutia kuchukua njia ya mkato wakati mwingine. Lakini ni bora kuchukua hatua zote na kujumuisha watu wengine katika mchakato.

WASIFU (MWANAMUZIKI WA KANISA) WA 6

Mwanamuziki wa kanisa anajaribu kujifunza muziki, kuwa na mwonekano bora kwenye jukwaa, na anasaidia kutoa hali nzuri ya ibada kwa watu kanisani. Kwa nyakati tofauti katika Biblia, timu ya ibada iliongoza ibada siku nzima na usiku wote. Wakati mwingine, timu ya ibada iliongoza vita, na adui alishindwa kwa ibada peke yake! (II Mambo ya Nyakati 20:14-25)

Wajibu: Mwanamuziki wa kanisa hufuata maagizo ya mchungaji au kiongozi wa ibada. Kuwa tayari kwa wakati ni jambo la muhimu sana, na kutayarisha ala ya muziki na kufanyia mazoezi sauti na kuwa tayari kuimba.

Fursa: Kukuza ustadi wako kwenye ala yako hukuruhusu utumie muda kidogo wa kuwa na wasiwasi kuhusu noti na kordi, na uwe na wakati wa kutosha wa kujumuisha wanamuziki wenzako na watu wanaoabudu. Utakuwa na fursa ya kushuhudia ikiwa wanafurahia muziki, na pia watu ambao wanaonekana kuhitaji maombi; wanaweza kuwa wasiwasi, labda mfadhaiko, labda wanaongozwa na Roho wa Mungu. Maombi yako katika hali hizi yataleta tofauti kubwa.




MASWALI NA MAJIBU YA 6

1. Je, itakuwaje kama kumuasi Mungu kutanilitea umaarufu na kuwapendeza wengine? (Zungumzia hali tofauti kama hii. Wasaidie wanafunzi kuelewa kuwa kutatokea hali ambazo watastahili kuamua ikiwa wanataka kumtii Mungu au kuwapendeza wengine).
2. Je, ni sababu gani unatoa Yesu Kristo, kwamba huwezi kutii sauti yake? Labda unasema huna uwezo wa kuhubiri, kwamba wewe ni mwanamke, au kwamba katika familia yako wewe ndiyo Mkristo pekee? Katika Biblia kuna wahusika ambao walimpa Mungu sababu za kutomtii lakini kumbuka kwamba haijalishi ikiwa tuna ujuzi mdogo au hatuna ujuzi wowote. Anakuomba umtii.)
3. Tunawezaje kumpendeza Mungu? (Kumpa mioyo yetu, kumtii, na kutumia muda wetu pamoja Naye).
4. Taja jambo ambalo umekuwa mtiifu kwa mamlaka fulani (Mungu, wazazi, mwalimu, nk.)
5. Je, unadhani Yesu ndiye mfano bora kabisa tunaweza kuwa nao wa maisha yanayompendeza Mungu na kwa nini? (Sikiza maoni ya watoto na mwishowe utaje kwamba Yesu anakuwa mfano mzuri kwa sababu yeye ni mwana wa Mungu ambaye ni kamili kwa kila kitu na hana dhambi.)

MAJIBU YA 6 YA MAFUMBO

Tafuta neno

M	T	W	U	I	M	U	A	B	L	T	N	A	U	J
S	Y	H	E	K	L	T	D	A	J	A	I	D	F	N
A	A	J	X	B	A	R	O	U	B	O	A	B	U	B
A	P	U	D	E	M	R	S	Y	H	A	C	I	A	N
D	L	M	T	B	H	L	I	S	O	M	A	O	T	N
A	P	M	D	I	M	O	E	M	R	R	Z	I	A	N
D	S	A	U	A	I	Y	S	I	U	I	D	C	M	R
F	I	S	M	O	N	E	L	S	T	W	M	A	E	A
H	E	M	D	O	B	T	V	A	C	L	J	Z	N	Y
Y	O	H	A	N	A	M	B	A	T	I	Z	A	J	I
A	W	M	A	B	M	U	N	G	U	D	A	D	O	B
F	R	L	I	N	I	H	D	I	A	N	C	T	Y	E





MCHEZO WA 6

Hapa kati yetu

Katika mchezo huu unaweza kutumia maputo, maputo ya ukubwa wa wastani, au mipira ya karatasi.

Tawanya watoto kisha wafunge macho halafu waanze kutembea, wakizunguka. Mtu wa kwanza kugusa, wamshikilie, ndiye atakuwa mshirika mpya wa mchezo. Dokezo: Hakikisha jozi la watoto lina urefu

sawa. Weka alama katika mstari wa kuanza na wa kumaliza, patia kila jozi puto lililowekwa hewa au mpira. Wanaweka mpira katika sehemu ya tumbo, wanaushikilia hapo huku wakijifinyilia dhidi yake. Kisha bila ya kutumia mikono wanazunguka baina yao, wakienda katika mstari wa kumaliza bila kuangusha mpira au kuvunja puto.



KAZI YA NYUMBANI YA 6

Weka alama ya mduara kwenye hatua inayofuata unayohitaji kuchukua: Kuomba Yesu ili atupe wokovu, kujitoa kwa kubatizwa, kupata mafunzo, kufanya kazi chini ya waalimu na wachungaji wako, na kujifunza kutoka kwa wengine. Hakikisha umetekeleza hatua hiyo inayofuata katika wiki iliyofuata.

Kuandikisha Timu

07



Yesu aliwaita wanafunzi 12: Mathayo 4:18-22, Yohana 1:35-50

MCHEZO WA KUIGIZA (SEHEMU YA KWANZA)

Ajenti hakuwa Mkristo wakati alisajiliwa. Kushuhudia maisha ya Yesu na kuwa na wakati na Timu ya Haki kunamfanya atamani kuwa Mkristo. Anaamua kuvaa kofia (kofia ya kuchekesha iliyoundwa na karatasi) ili kuashiria kuwa anamfuata Yesu. Pia anaanza kutaja "dhambi" za wenzake, mambo ya kushangaza kama vile jinsi wanavyotembea au kupiga chafya. Kiongozi anamweka kando na anagundua kuwa Ajenti angependa kumfuata Yesu lakini hajui njia ya kufanya hivyo. Wanajiandaa na kwenda kwa misheni kwa siku hiyo.

SOMO LA 7

Yesu alitaka kikundi kidogo cha watu karibu naye ambacho angeweza kufundisha na ambacho baadaye kingeweza kuwaambia wengine kuhusu mambo Aliyotenda wakati Alipokuwa Duniani. Yesu aliomba tu baadhi ya watu wamfuata na walimfuata.

Soma Mathayo 4:18-22 na Yohana 1:35-50

Mathayo alikuwa akifanya kazi kama mkusanyaji wa ushuru wakati alikubali wito wa Yesu kwa kumfuata vile vile.

Yesu aliwaita watu 12 ambao walikubali kumfuata. Hawa hawakuwa watu maarufu, matajiri, wenye mamlaka au wasomi. Hawakuwa watu waaminifu au wenye ujasiri. Wengi wao walikuwa wavuvi wa kawaida. Hakuna aliyekuwa kiongozi wa dini. Lakini walifuata wakati Yesu aliwaomba.

Yesu hakuwahitaji kuwa wawe watu wasio na dhambi au wapite mtihani wowote au watoe ahadi zozote. Yesu aliwaomba tu wamfuata na wamfahamu Yesu na washuhudie mambo aliyotenda.

Wote isipokuwa Yuda walimfuata Yesu katika maisha yao yote. Kisha wakawaambia watu wengine kuhusu maisha ya Yesu baada ya kifo na ufufuko wake. Waliamini sana kwamba Yesu ni Mungu kiasi kwamba walikuwa tayari kufa kwa ajili yake, na karibu wote walifanya hivyo.

Hili ndilo Yesu anaomba watu wote wafanye: kumfuata Yesu na kuona anachofanya. Ni wito kumjua Yesu na kutumia wakati wako pamoja naye.

Je, wewe ni sehemu ya kikundi kinachofuata Yesu? Yesu anataka uwe sehemu ya kundi lake. Je, si jambo linafurahisha sana!!!

FUNGU LA 7 LA KUMBUKUMBU

Yohana 8:12 "Basi Yesu akawaambia tena akasema, Mimi ndimi nuru ya ulimwengu, yeye anifuataye hatakwenda gizani kamwe, bali atakuwa na nuru ya uzima."

MCHEZO WA KUIGIZA (SEHEMU YA PILI)

Wakirudi kutoka kwa misheni, wanajadili jinsi wanafunzi walikuwa watu wa kawaida na kwamba Yesu hakuwalazimisha wabadilike kwa njia yoyote kabla ya kumfuata, isipokuwa kuacha maisha yao ya zamani.

Timu inaongoza Ajenti katika maombi ya kukabidhi maisha yake kwa Yesu. Kisha wanamtia moyo kwamba Yesu atafanya kazi moyoni mwake, akimubadilisha kutoka ndani kwa muda.

HAKI YA 7


Maisha inakuwa bora ukifanya kama vikundi. Usijali ikiwa mtu haonekani mzuri au wa kupendeza vya kutosha. Hata ingawa tuna kasoro, Yesu anatumuisha katika kundi Lake. Tunaweza kufanya vivyo hivyo kwa wengine.

WASIFU (MCHUNGAJI) WA 7

Kazi ya msingi ya mchungaji ni kutunza familia yake vizuri. (1 Timotheo 3:1-7) Kuhusu kanisa ana jukumu la kuendelea kusoma Biblia na vitabu vingine ambavyo vinamfundisha kuwa mchungaji bora, kuandaa mahubiri, na kuongoza washirika wake ili kuwa wakomavu wa kiroho.

Wajibu: Kutunza familia yake, kujiepusha na siasa za mitaa, nk. ili kuwa na wakati wa kujitolea kwa washirika wake. (2 Timotheo 2:4) na kufuatilia ukuaji wa kiroho wa kanisa lake. Mungu amemteua kwa ajili ya kanisa (Waefeso 4:11-12) na anapaswa kukubali jukumu hilo.

Fursa: Mchungaji ana nafasi ya kufundisha watu kwa kazi tofauti kanisani. Anaweza kuchukua nafasi mbali mbali za utendaji wa kanisa. Jinsi mmea wowote utakua na katika mazingira sahihi, hata kanisa litafanya hivyo. Pia, anaweza kufuatilia watu ambao wameitwa na Mungu vivyo hivyo ili watekeleze majukumu mengine ya huduma. Waefeso 4:11-12 inazungumza juu ya mitume, manabii, wainjilisti, wachungaji na walimu. Mchungaji anaweza kuwa sio mwinjilisti bora, kwa hivyo kutambua yule ambaye Mungu ametuma kwa kanisa inaweza kuwa muhimu kwa ukuaji wa kanisa. Mchungaji anaweza kuwa sio mtume bora, kwa hivyo kutambua mmoja na kumwamuru anzishe kanisa mpya ni ufunguo mwingine wa ukuaji. Na mchungaji anaweza pia kutambua "watu wabaya" wanaojaribu kujiingiza wenyewe katika nafasi ambazo hawapaswi. Mchungaji mzuri hulinda kondoo wake.



MASWALI NA MAJIBU YA 7



1. Je, Mungu anapenda kutumia watu wenye nguvu au watu dhaifu? (Kwa ujumla, Mungu anapenda kutumia wadhaifu ili kuonyesha nguvu zake. Tunavyokuwa na ubatili zaidi wa kiroho, kuna uwezekano mdogo kwamba Mungu atatutumia.)
2. Je, na gani ya vipaji hivi vyako unaweza kutumia ili kumtumikia Mungu? Toa muda sasa kwa wanafunzi wako kujadili na kushiriki vipaji na ustadi tofauti. Usiruhusu wanafunzi wacheke wengine au kufanya mzaha kwa kile kinachoshirikiwa. Jaribu kumhimiza kila mwanafunzi ashiriki.)
3. Ni bora kufanya kazi kama timu kuliko peke yako? (Wakati watoto wametoa maoni yao, wengine wanaweza kusema kuwa wako peke yao, lakini unaweza kuwaonyesha watoto kuwa kufanya kazi kama timu kuna manufaa kama vile kupata matokeo bora, maoni anuwai, wanaweza kuhimizana, nk.)
4. Je, unafikiri wanafunzi wa Yesu walikuwa na wakati wa kufurahia au walipaswa kuwa makini sana kati yao? (Waambie kwamba Yesu alikuwa rafiki yao na kwamba kama ilivyo na marafiki zetu kulikuwa na uaminifu. Labda waliambiana utani au walizungumza kuhusu mambo ya kuchekesha waliyopitia.)

5. Wanafunzi 12 walikuwa akina nani? (Simoni Petro, Andrea, Yakobo, Yohana, Filipi, Bartholomayo, Tomaso, Mathayo, Yakobo mwana wa Alfayo, Thadoisi, Simoni Mzeloti, na Yuda Iskariote.)

MAJIBU YA 7 YA MAFUMBO

Tafuta neno


A	B	K	D	I	A	C	A	T	K	I	M	U	T	U	K
W	I	M	U	H	N	W	Z	M	E	J	R	O	W	A	S
L	K	G	S	J	A	N	A	O	W	U	F	E	M	S	I
O	E	T	P	S	U	I	L	F	H	A	C	I	N	E	K
R	A	N	D	F	O	M	T	S	U	O	N	V	Z	Y	I
M	A	S	A	N	D	R	U	A	K	A	I	G	F	I	F
P	E	N	O	L	U	A	U	I	M	T	S	R	A	G	A
J	A	K	E	M	Z	K	L	B	S	U	D	I	D	O	R
W	L	I	C	O	G	A	I	P	U	H	S	T	O	S	A
S	F	U	T	T	I	L	D	V	L	F	W	I	C	Z	M
P	G	M	Z	M	J	U	F	I	N	I	M	A	A	W	P
L	U	P	E	N	D	O	Y	A	H	T	A	M	O	N	E



MCHEZO WA 7

Ping Pong

Mtoto mmoja anasema Neno la kwanza la fungu, mwingine anasema Neno la pili, na kadhalika. Watoto wanaweza kucheza kama jozi au kwa timu.



KAZI YA NYUMBANI YA 7

Alika mtu ajiunge na kikundi chako cha marafiki wa Kikristo ambao wanajifunza zaidi kuhusu Yesu na yote aliyosema na kutenda. Njia moja ni kuwalipia safari ya kwenda kanisani.



Maji kuwa divai: Yohana 2:1-11

MCHEZO WA KUIGIZA (SEHEMU YA KWANZA)

Ajenti bado anafurahi kwamba alimkubali Yesu Kristo wiki iliyopita. Alienda kanisani kwa mara ya kwanza Jumapili, na kila mtu akamkaribisha kanisani wiki inayofuata. Hapa kwenye makao makuu ya Timu ya Haki, anazungumza na kuhusu yale aliyojifunza kanisani: kuendelea kuhudhuria kanisani, kusoma Biblia waliyompa, na kumwomba Mungu. Ingawa anafurahia mambo haya mapya, anauliza timu ikiwa Mungu anahitaji mambo hayo tu. Wanaamua kurudi nyuma kwa wakati ili kushuhudia Yesu alifundisha na kufanya.

SOMO LA 8

Yesu, Mariamu na wanafunzi walikuwa kwenye sherehe na mwenyeji hakuwa na vifaa vya kutosha. Mariamu, mamake Yesu akagundua shida na alijua ni nani wa kuomba msaada. Alimwomba Yesu.

Soma Yohana 2:1-11

Inashangaza kuona kwamba Mariamu aliamini kuwa Yesu anaweza kutenda jambo kuhusu shida na alikuwa na imani kwake kwamba angefanya hivyo.

Inafurahisha sana kuona wahudumu walitii Yesu na kujaza mitungi, sio tu kujaza, lakini walitumia maji yote waliyopata! Wangeweza kuwa wavivu na kujaza tu hadi nusu au hata robo tatu kamili, lakini badala yake walifuata maagizo ya Yesu kwa kadri wangeweza. Pia, walipata ujasiri wa kupatia mhudumu mkuu wakijua imetoka wapi.

Hivi ndivyo tunavyopaswa kumfuata Yesu. Tunaweza kumtarajia afanye kazi ndani yetu na wale wanaotuzunguka. Tunahitaji pia kutii kikamilifu kadri tuwezavyo, sio kuwa wavivu au kuwa na shaka yoyote. Na tunahitaji kuwa na ujasiri kwamba kile ambacho Yesu anatupa ndicho bora zaidi.

Je, umewahi kuwa na hitaji la kweli, na hakuna mtu aliyekuwa tayari kukusaidia? Au unakapata mtu wa kukusaidia lakini kidogo tu? Au, umewahi kuwa na hitaji la kweli, kisha mtu fulani akakusaidia zaidi za ulivyomhitaji? Unahisi vizuri wakati unapata mtu anayekusaidia kwa ukarimu kama huo! Hivyo ndivyo Yesu anasaidia!! Katika Luka 6:38, Yesu anasema, "Muwe wepesi wa kutoa nanyi mtapokea. Kipimo mtakachotoa mtarudishiwa kikiwa kimejaa na kushindiliwa na kutikiswa na kufurika. Kwa kuwa jinsi mtakavyotoa, ndivyo mtakavyopata." Hivi ndivyo tunavyopaswa kuishi.

FUNGU LA 8 LA KUMBUKUMBU

Luka 6:38 "Wapeni watu vitu, nanyi mtapewa; kipimo cha kujaa na kushindiliwa, na kusukwa-sukwa hata kumwagika, ndicho watu watakachowapa vifuani mwenu. Kwa kuwa kipimo kile kile mpimacho ndicho mtakachopimiwa."

MCHEZO WA KUIGIZA (SEHEMU YA PILI)

Wakirudi kutoka kwa misheni, timu inajadili kwa furaha jinsi mitungi ilikuwa imejaa maji safi wakati mmoja kisha ikakuwa mvinyo baadaye. Ajenti na timu wanazungumzia jinsi wahudumu walivyojaza maji kwenye

mitungi hadi kwenye ukingo, na wanahitimisha kwa kukubaliana kwamba hawapaswi kufuata Yesu Jumapili tu au wakati wa maombi lakini watie bidii ili kujitoea kila wakati kwa Mungu, wakitenda kulingana na mafunzo katika jinsi wanavyowatendea wengine na katika kila uamuzi wanaofanya. Ingawa hawafahamu maana yake, kila mtu kwenye timu anajitolea kuendelea kusoma Biblia na kwenda kanisani ili kujifunza yote wawezayo na kujifunza jinsi ya kujitolea kwa Mungu.

HAKI YA 8

Mungu anataka kututumia kusaidia watu. Tunapokuwa watiifu na wakarimu, Mungu hutumia kile tulichoanza nacho na kukizidisha kuwa kitu kilicho na ushawishi mwingi.

WASIFU (KARANI WA DUKA) WA 8


Kama karani wa duka, unaweza kuwa sehemu ya wafanyakazi wengi kwenye duka kubwa, au peke yako katika duka ndogo kwenye jengo. Katika hali zote hizi karani wa duka anapaswa kuwa macho kwa mahitaji ya wateja watarajiwa na awe tayari kusaidia wakati inahitajika.

Wajibu: karani wa duka lazima afanye kile mmiliki wa duka au meneja wa idara atakavyo. Wakati mwingine utapewa jukumu usilotaka, kwa sababu mahitaji ya duka yanategemea idara zilizo na shughuli nyingi, makarani wanaopatikana, na ujuzi na mafunzo ya karani.

Fursa: Mara nyingi kuna kiwango fulani cha mafunzo kabla au wakati wa kazi, kwa hivyo, mafunzo yanafaa. Hii pia ni kazi ya huduma, na kuhudumu ni sehemu muhimu katika ufalme wa Mungu, kwa hivyo kujifunza jinsi ya kutumikia wengine itakusaidia katika maisha yako yote. Kazi inakuhitaji uwe na mwonekano bora na upumzike vya kutosha ili uweze kufikiria vizuri na kuzungumza na wanunuzi, na hizo ni sifa muhimu ambazo zitakusaidia wakati wote.

MASWALI NA MAJIBU YA 8

1. Je, kwa nini Mungu huruhusu mambo mabaya yatendeke? (Tunaishi katika ulimwengu uliojaa dhambi, na mambo magumu yanatokea kwa kila mtu. Pia, Mungu anajali zaidi mioyo yetu kuliko miili yetu, kwani roho zetu ni za milele, na mwili wa muda. Mungu hutumia maumivu na hali ngumu kubadilisha mioyo yetu na kuimarisha ukomavu wetu.)
2. Je, jamii yako ina kanuni gani ambazo una jukumu la kusaidia wale walio na hitaji? (Jadili jinsi tamaduni tofauti ulimwenguni kote zina kanuni tofauti wazi katika jamii zao. Kutakuwa na kanuni nyingi zinazoeleweka katika kila jamii. Je, unapaswa kumpa mtu anayeomba njiani? Ikiwa mwanamke ataanguka barabarani, je, watu watasimama kumsaidia? Ikiwa mtoto amepotea, watu wanatarajia kumsaidia?)
3. Je, umesikia mara ngapi watu wakisema, "Hio sio shida yangu," na wanakataa kusaidia au wanaamua kuwa hakuna msaada unaohitajika na hawatoi? (Jadili na wanafunzi wako kanuni za jamii unamoishi, na wakati ni sawa au sio sawa kusaidia. Kwa kila mfano, pia jadili kile unachofikiria Mungu anatarajia kutoka kwetu.)
4. Ikiwa Mungu angekuomba uachane na kitu muhimu zaidi katika maisha yako, kingekuwa nini? (Kwa wengi wetu, itakuwa familia yetu ya karibu. Lakini kweli Mungu anataka awe jambo la kwanza maishani mwetu, na atatuomba tuachane hata na familia zetu ili tumtumikie. Jadili na wanafunzi wako




jinsi wamishonari wanahisi wanapolazimika kuacha familia zao ili kumtumikia Mungu katika nchi nyingine.)

5. Ikiwa unaweza kumwomba Mungu akupe kitu fulani maishani mwako, kitakuwa nini? (Ruhusu watoto waseme majibu yao.)

MAJIBU YA 8 YA MAFUMBO

Tafuta neno


M	T	A	R	W	Y	D	O	A	S	P	R	E
J	H	M	D	E	A	E	H	E	R	E	H	S
I	A	N	U	I	C	T	S	L	S	N	J	D
H	R	M	A	U	E	E	U	A	D	T	G	
S	U	E	I	R	J	G	D	M	I	U	A	O
O	S	J	R	C	N	I	M	A	I	P	J	V
T	I	O	A	U	D	A	Z	E	B	S	I	A
U	S	R	M	S	A	A	D	A	R	I	H	Z
A	F	S	O	I	R	O	P	A	T	J	F	I
H	C	V	P	O	Y	N	I	V	M	A	A	E
E	O	S	B	I	B	L	I	A	T	M	P	C



MCHEZO WA 8

Kila mtu kwenye ndoo

Tayarisha mapema maji iliyoongezwa ladha au maji tu, na Mirija ya kunywa. Kila kundi litatengeneza mduara ulioshikana, karibu inawezekana. Weka chombo kilicho na maji katikati ya kundi, na kila mtu katika kundi atashiriki kunywa maji mpaka imalizike. Wanaweza kunywa wote kwa pamoja au moja kwa wakati. Kama kundi ni kubwa, kuwa na vyombo mbalimbali kwa ajili ya kunywa kwa kila timu.



KAZI YA NYUMBANI YA 8

Tafuta mtu aliye na hitaji na umsaidie jinsi Yesu anavyotusaidia "Kipimo kikiwa kimejaa na kushindiliwa na kutikiswa na kufurika."

Penda kama Yesu

09



Msamaria Mwema: Luka 10:25-37

MCHEZO WA KUIGIZA (SEHEMU YA KWANZA)

Ajenti amekuwa akifikiria kuhusu jinsi ya kutoa maisha yake yote kwa Mungu. Kanisani alijifunza kupenda jirani yake jinsi alivyojipenda. Anaiambia timu jinsi amekuwa mkarimu kwa majirani zake wiki hii, kila mtu isipokuwa kijana mmoja ambaye ni adui wake. Familia zao wamekuwa maadui. Ajenti anahisi kuwa yeye ni wa maalum, kwamba anapaswa kumpenda kila mtu isipokuwa adui wake. Timu haikubaliani naye na baadaye wanarudi nyuma kwa wakati ili kufahamu jambo hilo zaidi.

SOMO LA 9

Soma Luka 10:25-29

Yesu alisema sheria muhimu zaidi ni kumpenda Mungu na kumpenda jirani yetu na kwamba sheria zingine zote zilitokana na hizi mbili.

Tunaonyesha upendo wetu kwa Mungu kupitia ibada na kutii amri zake. Lakini jirani yetu ni nani na tunamwonyeshaje upendo?

Soma Luka 10:30-37

Wasamaria na Wayahudi hawakupendana kwa sababu fulani. Kwa hivyo, wakati Yesu alitumia Msamaria kama mfano wa jirani, ingekuwa ngumu kwa Wayahudi kukubali. Na katika hadithi, Msamaria ndiye alikuwa "mtu mzuri." Yesu anatuambia kuwa watu wote ni majirani wetu na tunapaswa kuwaonyesha upendo na huruma zote.

Swali linalofuata ni, "Je, tunaonyeshaje upendo kwa wao?". Tena, katika mfano wa Msamaria Mwema, yule Msamaria alimtunza Myahudi. Msamaria huyo angefanya vizuri kwa kutibu vidonda vya mtu huyo na kumsafirisha kwenda hotelini. Lakini alifanya zaidi ya yale na akalipa bili zake na kuahidi kufuatilia baadaye ili kuhakikisha kuwa kila kitu kilikuwa shwari. Huu ni mfano mzuri kwetu, kutafuta njia za kuwa wakarimu na wazuri zaidi kwa wale walio karibu nasi! Baada ya yote, hili ndilo Yesu alifanya kwetu kwa kuja duniani na kufa kwa ajili yetu.

FUNGU LA 9 LA KUMBUKUMBU

Luka 10:27 "Akajibu akasema, Mpende Bwana Mungu wako kwa moyo wako wote, na kwa roho yako yote, na kwa nguvu zako zote, na kwa akili zako zote; na jirani yako kama nafsi yako."

MCHEZO WA KUIGIZA (SEHEMU YA PILI)

Wakirudi kutoka kwa misheni, Ajenti anashangaa. Anawezaje kumpenda adui yake? Kwanza, ni ngumu sana kufikiria kuwa mkarimu kwake na pili, ni ngumu kufikiria nini cha kufanya. Anazungumza na timu inayozingatia njia tofauti za kumpenda adui yake. Kiongozi anapendekeza kwamba anaweza kufanya kitu kidogo, hata ikiwa hapendelei, na baada ya kufanya kitu hicho kidogo anaweza kuhisi vizuri kuhusu jambo hilo. Wanaomba pamoja na kumwomba Mungu ambariki adui yake kwa kumpa siku moja iliyojawa na furaha.

Ni jambo ndogo vya kutosha kwa Ajenti kukubali. Kisha Ajenti anaamua kusema "Hujambo" wakati unaofuata atakapomuona adui yake, bila kutarajia majibu mazuri. Kutoka hapo, labda anaweza kujadili kuhusu hali ya hewa au kitu rahisi na kadhalika, kwa msaada wa Mungu, hawatakuwa adui tena.

🌐 HAKI YA 9

Je, ni mambo gani tunafanya kwa sababu tunajipenda? Kununua chakula, kulipa bili, kusuluhisha tatizo. Lakini Yesu anatuambia tuwapende wengine jinsi tunavyojipenda. Wacha tufanye mambo mazuri kwa wengine.

🌐 WASIFU (DAKTARI) WA 9


Kazi ya daktari ni kusaidia watu. Ikiwa hii ndio kazi yako, ni vizuri ujue kwamba Mungu anahitaji madaktari ili kusaidia kuponya watu. Tunajua kuwa katika Biblia, kuna marejeleo mengi kuhusu uponyaji wa miujiza wa watu wa Mungu, lakini tunajua kuwa Mungu pia husaidia watu kupata mafunzo wanayohitaji. Kwa mfano, Luka alikuwa daktari, na labda alifanya kazi kama daktari hata katika maeneo ambayo Paulo alikuwa akiponya watu.

Wajibu: Daktari ana jukumu la kusoma kuhusu kile anahitaji ili kutambua ugonjwa kwa usahihi na kuamua hatua inayohitajika. Jamii nzima inatafuta madaktari ili kupata afya wanayohitaji kwa maisha ya kila siku.

Fursa: Daktari hukutana na watu wa kila aina na ujasiri anaoupata katika masomo na kwa kuwa daktari humsaidia kushauri watu wote katika maeneo muhimu ya maisha yao.

🌐 MASWALI NA MAJIBU YA 9


1. Je, una sababu gani za kawaida za kutosimama na kusaidia? (Udhuru wetu wa kawaida ni pamoja na: pesa, wakati, ruhusa ya wazazi wetu, kile wengine watasema, au kuingia katika shida.)
2. Je, tunapaswa kuwa rafiki na kila mtu? (Lazima tupende, tuwatendee vyema na wenye urafiki kwa kila mtu. Hata hivyo, ikiwa mtu anakuwa mkatili, si lazima tuwe rafiki yake. Lazima tuonyeshe upendo kwa maadui zetu, lakini sio lazima tuwe marafiki wao.)
3. Je, unawezaje kuwa mkarimu kwa watu? (Sikiliza majibu ya watoto. Unaweza kuwasaidia kwa kutaja hadithi ya jinsi Msamaria alimtunza Myahudi.)
4. Je, kuna mtu amewahi kuwa mkarimu kwako? (Wape watoto watoe majibu yao.)
5. Je, ungefanya nini ikiwa ungempata Msamaria? (Ikiwa majibu ya watoto ni kutoa usaidizi, waulize jinsi ambavyo wangefanya hivyo.)



🌐 MAJIBU YA 9 YA MAFUMBO

Tafuta neno

J	M	Z	G	A	W	B	K	U	L	I	P	W	*
B	O	S	I	G	N	U	V	F	N	I	N	M	A
A	E	O	A	A	H	I	Z	A	B	A	E	A	D
P	U	U	Z	A	E	D	R	E	N	W	Y	O	H
U	I	A	N	C	D	T	L	N	M	I	N	T	E
D	R	A	L	E	J	A	G	A	O	B	L	E	Q
U	K	A	R	I	M	U	I	N	K	I	W	O	R
B	F	U	I	M	A	R	N	R	E	U	M	D	K
N	U	V	U	O	A	D	E	L	O	K	P	N	S
T	E	T	H	M	K	A	R	I	M	U	L	E	D
R	O	Y	A	S	I	R	A	F	M	A	J	P	U
M	O	S	E	R	A	Z	I	N	U	P	O	U	A
B	M	A	J	A	M	B	A	Z	I	T	A	N	O



MCHEZO WA 9

Kisia ni nani

Weka kiti kwa kila mtoto, wapange katika mzunguko, kata vipande vya karatasi ya rangi na uzigundishe nyuma ya viti. Kila rangi lazima irudiwe angalau mara tatu kwenye viti. Anza muziki na kufanya watoto kutembea karibu na viti. Muziki unaposimama, watoto wanaketi kwa haraka. Kisha mwalimu anataja rangi, na kila mtoto ambaye ameketi katika kiti ambacho rangi hiyo imewekwa anasimama na kusema fungu la kumbukumbu. Ikiwa mwalimu anasema nyekundu, kila mttoto aliye kwenye kiti kilicho na karatasi nyekundu anasimama na kusema fungu kwa pamoja.



KAZI YA NYUMBANI YA 9

Wiki hii tafuta njia ya kumsaidia mtu aliye na hitaji, lakini, wafanyie mambo mawili zaidi.

Mungu huifanya iwe zaidi ya kutosha

10

Kulisha watu 5000: Mathayo 14:13-21



MCHEZO WA KUIGIZA (SEHEMU YA KWANZA)

Mchunguzi anaeleza washiriki wa timu jinsi alipokuwa kanisani alisaidia mtoto mdogo kuandika barua kwa mama yake na kumkumbatia kwa upendo mtoto huyo mdogo. Mchunguzi anasema kwamba amekuwa akitaka kusaidia lakini anashangaa anaweza kufanya hivyo kwa kiwango gani.

Timu inamtia moyo kwamba kile alichofanya ni muhimu, kisha wote wanarudi kwa wakati kwa hadithi ya Biblia.

SOMO LA 10

Je, ni kiasi gani kinatosha?

Soma Mathayo 14:15-21

Yesu alikuwa na umati mkubwa wa watu, na walihitaji chakula!! Yesu aliwaagiza wanafunzi watote chakula kidogo walichokuwa nacho kwa umati mkubwa wa watu.

Fikiria imani waliokuwa nayo wanafunzi kupitisha mikate 5 na samaki 2 kwa umati wa watu 5000? Watu wangepata tu chembe ya mkate na labda hata wanafunzi hawangepata chochote. Lakini Yesu alitenda muujiza na kulikuwa na chakula cha kutosha kwa kila mtu na wakabakisha vikapu 12 vilivyojaa chakula!! Kila mtu aliweza kula mpaka wakashiba na kulikuwa na chakula kwa wanafunzi kwa siku iliyofuata.

Yesu angefanya muujiza wa chakula cha kutosha kwa kila mtu, lakini badala yake alichagua kuchukua kile ambacho wanafunzi walikuwa nacho na kuzidisha.

Tunaweza kuwa kama wanafunzi. Tuwe tayari kutoa kile kidogo tulichonacho, Mungu anaweza kufanya kitu cha ajabu. Hii sio tu chakula au pesa lakini pia wakati wetu na juhudi zetu.

FUNGU LA 10 LA KUMBUKUMBU

Mathayo 19:26 "Yesu akawakazia macho, akawaambia, Kwa wanadamu hilo haliwezekani; bali kwa Mungu yote yawezekana."

MCHEZO WA KUIGIZA (SEHEMU YA PILI)

Wakirudi kwa wakati wa sasa, Mchunguzi anapokea ujumbe kwa simu yake kutoka kwa kiongozi kanisani. Familia ya mtoto huyo ilikuwa imehamia katika mji na walikuwa na changamoto ya kupata marafiki wowote na walikuwa wanahisi upweke sana. Mtoto aliendelea kuwaeleza wazazi wake kuhusu rafiki yake mpya ambaye alikuwa mkalimu kanisani, na walihisi vizuri wakijua hawatakuwa wapweke sana katika mji huu. Mtu mwingine alikuwa ameshudia ukalimu wa Mchunguzi na aliamua kuleta familia yake vile vile. Na hata mtu mwingine alisema alikuwa amefurahishwa na hatua hio na alitaka kufuata mfano wake na kuwa mkarimu kwa wengine karibu naye. Alipopokea ujumbe huo, Mchunguzi alimsifu Mungu kwa kuzidisha kitendo chake kidogo cha ukarimu kwa mtoto na watu wengine wengi.

HAKI YA 10

Mahitaji mengine ni makubwa sana unapofikiria kuyatimiza. Mungu hatuombi tusuluhishe tatizo nzima lakini kwamba tunafanye kile tunachoweza. Atafanya yanayosalia.


WASIFU (MPISHI) WA 10

Mpishi anaweza kuwa wa manufaa makubwa kwa maisha ya kila siku. Kwa hafla maalum, watu mara nyingi huenda nje kwa chakula cha jioni. Chakula cha mchana huchangia pakubwa katika kuweka wanafunzi kama wamefurahia. Timu za michezo na wanajeshi kila wakati hujaribu kutoa chakula kizuri kwa vikundi vyao, kwa furaha na kwa nguvu.

Wajibu: Mpishi anapaswa afanye kazi kulingana na mwongozo wa mmiliki au msimamizi. Ingawa mpishi anaweza kudhibitiwa katika kile kinachoweza kutumiwa kutokana na pesa, mpishi anaweza kusoma jinsi ya kupika chakula bora zaidi. Usafi na mwonekano ni mambo muhimu kwa mpishi.

Fursa: Mpishi anapaswa kufuata menu na kuzingatia bajeti, lakini kunaweza kuwa na nafasi nyingi ya ubunifu. Ikiwa ni sawa na msimamizi wako, familia inapoagiza kaimati inaweza kupata kaimati zenye ubunifu kwa watoto maumbo ya vipepeo, nyangumi, nk. Mapambo mazuri na mboga au vyakula vikuu yanaweza kuimarisha hali ya wateja ili waweze kurudi au kueleza marafiki zao.



Unaweza kusoma jinsi ya kufanya mambo haya na kuimarisha biashara kama mpishi.



MASWALI NA MAJIBU YA 10

1. Je, una ushuhuda wowote ambapo Mungu amekupa kitu? Shiriki jambo hilo. (Wape wakati wa kushiriki pamoja.)
2. Je, umeshuhudia watu ambao sio Wakristo na wana mali, magari, mavazi na kila kitu wakati wewe kama Mkristo unakosa vitu hivyo? (Labda unahisi kuwa sio haki kumtegemea Mungu, lakini unapaswa kujua kuwa wengi wa watu hawa hawana amani katika maisha yao. Wakati mwingine wanakosa upendo au furaha, wamekosa kusamehe wenzao na kusudi lao pekee ni kupata mali zaidi. Hawatambui kuwa maisha ya dunia ni ya muda mfupi na mbingu itakuwa bora zaidi kuliko kitu chochote duniani.)
3. Je, kwa nini hakuna chakula cha kutosha na pesa kwa kila mtu ulimwenguni? (Saidia wanafunzi wako kuwaza kuhusu kuhusu hali hii. Labda kwa sababu Mungu anataka tujifunze kushiriki na wengine. Labda ni sehemu ya dhambi ambayo iliingia ulimwenguni wakati wa Adamu.)
4. Unapenda zaidi chakula gani? (Sikiza majibu ya watoto.)
5. Fikiria kuhusu mtu ambaye anaweza kukusaidia wiki hii utaje jina lake na jinsi unavyoweza kumsaidia.


MAJIBU YA 10 YA MAFUMBO



MCHEZO WA 10

Piramidi ya Vikombe

Kabla ya kuanza mchezo, weka vikombe vinavyoweza kutupwa kwenye meza (vikombe 36 kwa kila timu). Unda timu mbili zilizo zilizo na idadi sawa ya washiriki. Timu zote mbili zitakuwa na dakika moja kuunda mnara mrefu zaidi. Baada ya dakika moja, timu iliyo na mnara mrefu zaidi inakuwa washindi.



KAZI YA NYUMBANI YA 10

Kuja na chakula cha mchana cha ziada shuleni na umpe mtu ambaye humfahamu vizuri sana au mtu asiye na chakula cha mchana.

Kuwa na imani kwa Mungu

1 1

Yesu alituliza dhoruba: Luka 8:22-25



MCHEZO WA KUIGIZA (SEHEMU YA KWANZA)

Ajenti anaeleza timu kuhusu waonevu wawili wanaosubiri barabarani na kumsumbua kila mtu anayepita. Wanapenda sana kumwonea yeye, na kila wakati anatembea barabarani, anaogopa. Mara nyingi, anajaribu kukimbia, lakini kwa kuwa wao ni wakubwa kumliko, wanamfikia kila wakati na kumuumiza. Timu inaingiwa na wasiwasi kuhusu hali yake na wanasema wataomba na kuahidi kutafuta njia za kusuluhisha jambo hili. Kisha wanapanda kwenye mashine ya wakati kwa misheni yao.

SOMO LA 11

Je, umewahi kuwa katika hali hatari? Je, umewahi kuingiwa na hofu? Wanafunzi waliogopa sana siku moja wakati walipokumbana na dhoruba kubwa katika mashua yao ziwani.

Soma Luka 8:22-25.

Katikati ya dhoruba, wanafunzi hawakugundua ni nani aliyekuwa kati yao. Pamoja nao alikuwa Yesu, ambaye alikuwa na mamlaka kamili juu ya hali ya hewa na upepo na mawimbi. Je, unaweza kushikilia maji mkononi mwako? Haiwezekani kwetu, lakini Mungu ana nguvu zote.

Jinsi Yesu alivyolala kwenye mashua, tunaweza kupumzika na kumwamini Mungu. Sio kwa sababu hakuna kitu kibaya kitakachofanyika kwetu. Wanafunzi wote ambao walikuwa ndani ya mashua hiyo isipokuwa mmoja waliuawa miaka mingi baadaye kwa kumwamini Yesu. Hilo linahuzunisha sana. Lakini haijalishi kinachotokea au hali yetu, tunaweza kumtegemea Mungu na kupumzika kwa sababu Ana mamlaka, hata juu ya mambo mabaya. Anaweza kusitisha hali yoyote mbaya wakati wowote. Ikiwa Yeye hatasitisha hali mbaya, tunaweza kuwa na hakika kwamba Anapanga kuleta kitu kizuri kutokana na hali hio. Na haijalishi, Mungu ameahidi kuwa nasi kila wakati. Tunapokuwa katika dhoruba, tunaweza kuwa na hakika kwamba Yesu yuko pamoja nasi, jinsi alivyokuwa katika mashua na wanafunzi. Na tunapoweka imani yetu kwa Yesu, tuko salama mikononi mwake na tutaishi milele na Yeye mbinguni.

Baada ya Yesu kutuliza dhoruba, wanafunzi walimwogopa. Wakati tunagundua jinsi Mungu wetu ni mkuu na mwenye nguvu na jinsi anatumbea sana, hatutaogopa tena kitu chochote kingine.

FUNGU LA 11 LA KUMBUKUMBU 11

Kumbukumbu la Sheria 31:8 “Naye BWANA, yeye ndiye atakayekutangulia, atakuwa pamoja nawe, hatakupungukia wala kukuacha; usiogope wala usifadhaike.”

MCHEZO WA KUIGIZA (SEHEMU YA PILI)

Wakirudi kutoka kwa misheni, timu inashangazwa na kile walichokiona. Kuwapo ndani ya mashua pamoja na Yesu na wanafunzi wake na kushuhudia moja kwa moja jinsi upepo na mawimbi vilimtii viliimarisha imani yao. Ajenti anawaza kuhusu wachokozi barabarani mwake na anatambua kuwa hawana nguvu kama Mungu. Timu hiyo inamtia moyo kwamba Mungu yuko pamoja naye kila wakati. Jinsi Yesu alivyolala kwenye mashua, Ajenti anaweza kupuuza wale wanaomchokoza na kupuuza maneno mabaya wanayomwambia kwa sababu

Mungu aliye na mamlaka juu ya ulimwengu wote anampenda. Ajenti anaondoka na kwenda nyumbani. Muda kidogo baadaye, Kiongozi anapokea ujumbe mfupi kutoka kwa Ajenti kwamba aliwapuuza wachokozi na baada ya muda wakamwacha aende zake.

HAKI YA 11


Kama vile Mungu hatawahi kupungukia wala kuacha ninyi mnayemwamini Yeye, kwa hivyo hatapungukia wala kuacha wengine wanaomwamini, hata kama hawakubaliani na wewe katika mambo yote. Badala ya kuzingatia vitu ambavyo hatukubaliani, hebu tuzingatie jinsi Mungu anafanya kazi katika maisha ya watu wengine.

WASIFU (MAMA) WA 11

Akina mama ni njia muhimu ambayo Mungu hutumia kulea watoto. Wao hufundisha nyanja zote za maisha ya mtoto ili mtoto aweze kukua na kujifunza na kuingiliana katika jamii. Wakati Mungu mwenyewe alichagua kuja duniani kama mtoto, hakutenga timu maalum ya kumlea - Alichagua mama.

Wajibu: Mama hulea watoto kutoka wakiwa wachanga hadi watu wazima, na kisha wanaendelea kama washauri. Changamoto zinakuwapo kwa sababu maisha yanaweza kuwa ya amani, yenye vita, kuhama kutoka sehemu moja kwenda nyingine, au kupitia misiba. Haijalishi, mama lazima aendelee kuwa mama.

Fursa: Akina mama wana uhusiano wa kipekee na mtoto au watoto, na wanaelewa aina ya mtu wanayemlea. Jambo hili linafungua fursa kwa mafunzo tofauti, michezo tofauti, nk. kwa sababu ya sifa tofauti za watoto. Unapata kuendesha mtoto katika maisha yenyewe.



MASWALI NA MAJIBU YA 11



1. Kwa nini Mungu huruhusu mambo mabaya kutufanyikia? Mungu anajali zaidi mioyo yetu, hivyo vitu vingi "vibaya" sio vibaya kwetu, bali ni za manufaa kwetu. Pia ni vizuri kutambua kwamba tunaishi katika ulimwengu uliojaa dhambi, na Mungu amemruhusu shetani kufanya maovu duniani. Hivyo kuna kifo, vita, mitetemeko ya ardhi, majanga, na watu wengi wanaofanya mambo mabaya, na hayo yote huathiri Wakristo wote na wasioamini).
2. Je, umewahi kuingiwa na hofu? (Jadili ikiwa umewahi kuingiwa na hofu kuhusu hali fulani, kama wanafunzi walivyokuwa kwenye dhoruba. Wakumbushe watoto kuwa hata katika mazingira magumu Mungu yuko pamoja nao, hata kama hawawezi kuona moja kwa moja.)
3. Wakati ulipata nyakati ngumu, wakati ulikuwa karibu kukata tamaa na kumwacha Mungu, je, uliwezaje kustahimili? (Majaribu, wakati mgumu unakuja katika maisha yetu na unahitaji kukumbuka kuwa hauko peke yako, kwamba haujitoshelezi kuweza kutatua kila kitu maishani mwako. Wanafunzi waliogopa dhoruba kubwa, lakini wakati Yesu alituliza dhoruba kulikuwa na amani. Vile vile, katika maisha yako kunaweza kuwa mambo magumu, lakini wakati Yesu yupo katika maisha yako tunajua kwamba amani itakuja.)
4. Je, unaogopa mnyama gani? (Sikiliza maoni ya kila mmoja)
5. Je, ni vitu gani unaweza kufanya ili kuzoea na kukuza ujasiri ndani ya moyo wako? (Ruhusu wanafunzi kuzingatia maoni yao wenyewe kabla ya kupendekeza majibu. Wakati mwingine unahitaji kuwa umejitayarisha na mawazo kama vile kushiriki imani yao na watu pole pole. Wanaweza kuamua

mapema kukubali nafasi yoyote ya kumtumikia Mungu, hata ikiwa inatisha. Ili kukuza imani inayoimarisha ujasiri, unaweza kutumia wakati kusoma Biblia, kuomba, kusifu Mungu, kusikiliza ushuhuda wa wengine, na kuandika au kukumbuka mambo ambayo Mungu alifanya katika maisha yako mwenyewe.)

MAJIBU YA 11 YA MAFUMBO

Tafuta neno


P	A	S	E	K	A	T	E	G	Z	D	G
E	T	P	A	T	U	M	A	I	N	I	A
L	N	C	O	S	A	Z	A	R	T	B	L
R	M	O	E	G	I	T	A	O	A	W	I
I	A	Y	A	J	O	C	B	M	C	N	R
G	W	A	U	N	A	I	F	N	A	M	A
R	I	U	E	V	E	L	T	M	N	U	T
O	M	C	A	N	I	E	A	U	S	N	A
S	B	W	A	Y	A	L	I	L	A	G	H
O	I	O	R	G	E	W	U	M	U	U	A
Z	A	B	U	R	O	H	D	T	Z	K	S



MCHEZO WA 11


Nukuu Kifungu ikiwa...

Nukuu kifungu ikiwa... ulikunywa kiamsha kinywa asubuhi ya leo, umeoga jana usiku, una macho ya kahawia, unapenda brokoli, umetengeneza kitanda chako leo, una dada, umevaa nguo nyekundu, nk. Hii ni njia rahisi ya kurudia aya mara nyingi ili kusaidia watoto kukariri.



KAZI YA NYUMBANI YA 11

Tafuta mtu anayefanya kitu cha kutisha au kigumu na ujitolee kwenda nao.



Yesu ni nani?

1 2



Je, wewe unasema mimi ni nani? (Mathayo 16:13-20)

MCHEZO WA KUIGIZA (SEHEMU YA KWANZA)

Mchunguzi ameshangaa sana wiki hii. Alikutana na mtu ambaye alikuwa mkarimu sana na mnyenyekevu na aliyeonekana kuwa na furaha sana lakini aliamini dini nyingine.

Anachanganyikiwa kwa sababu, mbali na tofauti katika dini, mtu huyo alionekana kama Mkristo yeyote. Anashiriki hadithi hio pamoja na Kiongozi na Ajenti, akiuliza ni nini kinachofanya Ukristo kuwa tofauti? Kiongozi anaamua kutojibu kabla ya kwenda kwenye misheni kwa sababu ya wakati ambao wanasafiri kwenda leo. Wanapanda kwenye mashine na kurudi kumtazama Yesu na wanafunzi wake.

SOMO LA 12

Watu wa Kiyahudi walikuwa watu wenye nguvu lakini walikuwa chini ya watu wengine na kusambaa kote na utajiri wao ulikuwa umeibiwa. Lakini Mungu alikuwa ameahidi kwamba mtu atakuja kuwasaidia, mtu huyo ataitwa Masiya. Kwa kawaida, Wayahudi walitarajia shujaa hodari ambaye angewafukuza wavamizi katika nchi yao. Lakini Yesu alikuja kwa njia tofauti kabisa na hio. Badala ya kuokoa ardhi na utajiri wao, Alikuwa kuokoa mioyo yao!

Soma Mathayo 16:13-20

Watu walikuwa wakisema Yesu ni nabii. Yesu aliwauliza marafiki zake walikuwa wakidhani yeye ni nani. Petero alijibu kwa usahihi kuwa Yesu alikuwa Masiya, Mwana wa Mungu aliye Hai na mkombozi wa Israeli! Yesu alijibu kwamba taarifa hii ilikuwa ndio mwamba, jiwe la msingi la kanisa mpya.

Je, Yesu ni nani kwako? Je, yeye ni hadithi tu kutoka katika Biblia, labda nabii au mwalimu mkuu? Au ni Mwana wa Mungu aliyekuja duniani kukuokoa kutoka kwa dhambi zako na kukupa maisha mpya bora? Yohana 3:16 inasema "Kwa maana Mungu aliupenda ulimwengu kiasi cha kumtoa Mwanapekee, ili kila mtu amwaminiye asipotee, bali awe na uzima wa milele."

Yesu anataka tuelewe YEYE ni nani na tumwamini Yeye ili aweze kukupa maisha bora kabisa!

FUNGU LA 12 LA KUMBUKUMBU

Yohana 3:16 "Kwa maana jinsi hii Mungu aliupenda ulimwengu, hata akamtoa Mwanapekee, ili kila mtu amwaminiye asipotee, bali awe na uzima wa milele."

MCHEZO WA KUIGIZA (SEHEMU YA PILI)

Wakirudi kutoka kwa misheni, Mchunguzi anajadili na timu kuhusu kile walichoshuhudia. Anagundua kuwa tofauti kati ya dini ni Yesu, kwamba Yeye ni mwana wa Mungu, kwamba alikufa kwa ajili yetu, na kwamba yeye ndiye njia ya mbinguni na umilele pamoja na Mungu wa kweli. Anaamua kuwa makini baadaye ili kushiriki kuhusu Yesu na mtu ambaye alikutana naye hivi karibuni kwa sababu, ingawa kila kitu kinaonekana kizuri upande wa nje, bado anahitaji Yesu ili aokolewe.

HAKI YA 12

Yohana 3:16 inasema Mungu aliupenda ulimwengu kiasi cha KUMTOA Mwanee pekee! Wacha tufuate mfano wake na tuchangie tuwezacho kwa wengine.

WASIFU (MWALIMU WA SHULE YA JUMAPILI) WA 12


Mwalimu wa Shule ya Jumapili ndiye mtu aliyechaguliwa na mchungaji au uongozi wa kanisa ili kusaidia watoto kujifunza maelezo muhimu ambayo watahitaji kukuza imani yao.

Wajibu: Mwalimu wa Shule ya Jumapili anapaswa kufahamu jinsi ya kudhibiti mazingira ya darasa, kuwa na vifaa vya kufundishia tayari kwa wanafunzi, na kushirikiana na walimu wengine ili kuhakikisha shughuli zisizo na matatizo katika Shule ya Jumapili.

Fursa: Mwalimu wa Shule ya Jumapili anaweza kujifunza jinsi ya kutambua wanafunzi walivyo tofauti na kubuni mitindo inayofaa ya kufundishia ili kupata ukuaji unaofaa. Mwalimu anaweza kutoa maono kwa mwanafunzi—awasaidie wanafunzi kuwaza kuhusu matokeo bora katika siku za baadaye kwa kufuata hatua rahisi leo. Katika hali nyingine, shule za kidunia haziruhusu mafundisho ya kidini katika shule zao, kwa hivyo mwalimu wa Shule ya Jumapili anaweza kujaza pengo hili.

MASWALI NA MAJIBU YA 12


1. Unataka kumtumikia Mungu kwa njia gani siku zijazo? (Wahimiza wanafunzi wajaadili suala hili. Kumbuka kwamba Mungu ametoa vipaji tofauti kwa kila mmoja, na mkono wa mwili wa Kristo sio bora kuliko jicho au vinginevyo).
2. Je! Unachoamini kuhusu Yesu kinatoka wapi? Je, kinatoka kwa desturi, kile mhubiri au mwalimu husema, au kutokana na kujua Mungu kibinafsi? Cha kusikitisha, wengi wa wanafunzi katika makanisa husema kwamba wanamwamini Mungu, lakini si kwa sababu wamemjua kibinafsi Yesu Kristo. Ni rahisi kuwa Mkristo kanisani, kuwa mtu wa kiroho na kadhalika unapokuwa umezungukwa na watu ambao wanafanya sawa na wewe (mila). Lakini ni mtaani, kazini na kila mahali tunakwenda, ni katika maeneo haya ambapo Mungu hutupa hali za kuwa bora zaidi maishani yetu. Tunapata kumfahamu Yesu vyema zaidi katika hali hizo.)
3. Wewe binafsi, unaamini nini kuhusu Yesu? Jambo muhimu zaidi ni kuamini kwamba yeye ni Mwokozi wako, kwamba unamfahamu kibinafsi na sio kutafuta tu dini ambapo unaweza kushiriki.
4. Je, unafikiria ni wapi tunaweza kujifunza zaidi kuhusu Yesu? (Mara nyingi tunafikiria kanisa, lakini mahali tunaweza kujifunza zaidi kuhusu Yesu ni kwa kusoma Neno lake na kuwa na ushirika wa kibinafsi naye. Kusoma na utiifu huleta uelewa wa kina, ambao husababisha upendo zaidi kwa Mungu, na kusababisha kusoma na utii zaidi na kadhalika, ni kama mzunguko unaopanda.)
5. Ikiwa ungeweza kumwomba Yesu jambo kuhusu maisha yako, ungeomba nini? (Kumbuka kuwa Yesu anajua kila kitu tunachokosa. Wakati mwingine tunatilia shaka maisha yetu au sababu zinazosababisha mambo kadhaa hufanyika. Ruhusu watoto waeleze majibu yao. Wakumbushe kuwa Mungu anaweza kuwasikia na anaweza kujibu maswali yao kwa njia tofauti).



MAJIBU YA 12 YA MAFUMBO

Tafuta neno



O	Z	M	T	E	M	T	O	N	M	F	A	L	M	B	S	
R	A	N	E	A	E	R	I	M	A	O	T	O	K	E	X	
D	A	R	I	S	T	I	F	O	F	P	C	M	U	L	I	D
N	U	S	U	E	I	D	D	D	O	I	I	E	L	U	N	
P	H	O	P	S	T	U	V	R	L	E	L	Q	U	E	C	
A	W	I	J	L	H	O	N	A	B	T	N	I	M	A		
M	U	M	W	A	N	A	W	A	M	U	N	G	U	A	L	
F	E	S	Y	R	Y	M	H	E	N	S	V	S	C	S	R	
V	E	A	E	S	D	I	A	I	S	U	E	E	I	I	E	
M	W	A	M	B	A	O	M	I	D	Y	E	T	J	Y	A	
I	C	A	V	S	Y	E	T	E	R	I	A	L	V	A	S	
M	W	A	N	A	W	A	M	U	N	G	U	E	S	Y	C	



MCHEZO WA 12

Puto la bilauri ya plastiki

Kabla ya kuanza mchezo, weka safu mlalo ya vikombe 15 vya plastiki kwenye mstari katika ukingo wa meza. Wakati kipima muda kinaanza, mchezaji atakuwa na sekunde 60 kupuliza hewa kwenye puto kutumia hewa yake ili kuangusha vikombe vyote kutoka kwenye meza. Puto linaweza kupulizwa kwa mara nyingi kadri inahitajika ili kufikia lengo. Ikiwa kutakuwa na kikombe ambacho hakijaangushwa kutoka kwenye meza mchezaji anapoteza na mtoto mwingine anachukua zamu. Unaweza kuunda timu mbili (kama vile wavulana dhidi ya wasichana) na uwe na mjitolea mmoja kutoka kwa kila timu wa kucheza kwa wakati mmoja na kuona ni nani anayeangusha vikombe vyao kwa kasi zaidi.



KAZI YA NYUMBANI YA 12

Chagua mtu anayehitaji kumjua Yesu na utumie wakati wako ambao ungekuwa ukifanya jambo lingine na uwaombe kila siku. Kisha wanunulie zawadi ndogo na uwape. Shiriki kuhusu Yesu na uwaalike shule ya Jumapili.

Yesu aonyesha Nguvu

1 3



Lazaro: Yohana 11:32-44

MCHEZO WA KUIGIZA (SEHEMU YA KWANZA)

Ajenti anashiriki na timu kuhusu hali ya kipekee ya siku yake iliyopita. Kila kitu kilionekana kuwa na bahati mbaya, akamwaga chakula kikaanguka sakafuni, akamwaga juisi kwenye karatasi yake na akagongwa kichwa chake... Alikuwa akienda dukani kubadilisha karatasi wakati mvua ilianza kunyesha. Alipokuwa akikimbia akaanguka na kuvunja kidole chake cha mguu. Ilionekana kuwa siku mbaya kabisa. Wakati huo huo, adui yake aliyezungumzia kuhusu wiki kadhaa zilizopita akaingia kwenye duka na kuharibu kiatu chake cha kulia! Ajenti aligundua kuwa kiatu chake kilikuwa kinafanana na kile cha kijana mwingine, hivyo akajitolea na kumpa kiatu chake. Kwa mshangao, yule kijana mwingine alikubali kiatu hicho kisha akaanza kuuliza maswali. Mwishowe, walizungumza kuhusu Mungu. Ingawa Ajenti hakujua mengi, alijaribu kadri awezavyo kumweleza kuhusu Yesu. Baada ya mvua kuisha, Ajenti hakuwa na viatu, alikuwa na maumivu ya kichwa, na bado alihitaji kununua karatasi. Lakini alikuwa na furaha sana ndani yake licha ya kila kitu. Timu ilishangazwa sana na hadithi hiyo kisha wakarudi kwa wakati ili kumtazama Yesu.

SOMO LA 13

Yesu alikuwa na marafiki kadhaa, Lazaro na dada zake wawili Mariamu na Marita. Lakini Lazaro aliugua na akafariki. Yesu alikwenda kutembelea familia huko Bethania ambapo Lazaro alizikwa kwenye kaburi.

Soma Yohana 11:32-44

Dada hao waliamini kwamba iwapo Yesu angekuwa huko mapema Lazaro angeishi. Walikuwa na mipango ya jinsi Yesu angemwokoza Lazaro, kama vile alivyokuwa amewaokoa watu wengi hapo awali. Lakini Yesu alikuwa na mipango bora hata zaidi.

Yesu alikuwa ameponya wagonjwa wengi ili kuonyesha ulimwengu kuwa alikuwa na mamlaka juu ya magonjwa, na sasa Yesu alikuwa anataka kuonyesha ulimwengu kuwa alikuwa na mamlaka juu ya kifo pia!

Kabla tu ya muujiza huo, Marita alisema kuwa mwili wa Lazaro unaweza kuwa unanuka. Bado Marita hakuamini. Lakini, Yesu alimwita Lazaro na akatoka kaburini!!! Kweli ilikuwa siku ya ajabu sana!

Mara nyingi Mungu hufanya kazi kwa njia ambazo hatutarajii. Tunahitaji kuwa makini ili tuzingatie kazi Yake kupitia njia Yake. Haimanishi Mungu atafanya kitu katika maisha ya mtu mwingine kwa sababu alifanya hivyo katika maisha yetu. Lakini bila kujali kile Mungu anachagua kufanya au kutofanya, tunaweza kujua kuwa ana mamlaka juu ya vitu vyote na kwamba kwa kumwamini Yesu, tutapata uzima wa milele.

FUNGU LA 13 LA KUMBUKUMBU

Yohana 11:25 *“Yesu akamwambia, Mimi ndimi huo ufufuo, na uzima. Yeye aniaminiye mimi, ajapokufa, atakuwa anaishi.”*

MCHEZO WA KUIGIZA (SEHEMU YA PILI) WA 13

Wakirudi kutoka kwa misheni, walijadili jinsi Yesu hufanya kazi mara nyingi kwa njia ambazo hatutarajii, kama vile kubadilisha siku mbaya ya Ajenti kuwa fursa ya kushiriki na adui wake. Ajenti anawaambia wasimwite adui yake tena kwa sababu yeye hamchukulii kama adui tena. Sasa wao ni marafiki.

HAKI YA 13


Mungu anataka kufanya kazi kupitia sisi ili kusaidia watu. Wacha tuwe makini ili kumruhusu Mungu afanye kazi jinsi anavyotaka.

WASIFU (MKUSANYA TAKATAKA) WA 13

Mkusanya takataka anafanya kazi ili kuweka mji ukiwa safi na bila wanyama wanaosababisha magonjwa. Kila wakati anapaswa kufanya kazi pamoja na watu: wafanyakazi wenzake na watu wa mji. Anaweza kufanya kazi kwa saa nyingi na wakati mwingine anahitajika kufanya kazi usiku au wikendi.

Wajibu: Mkusanya takataka hufanya kazi kwa mji au kampuni ambayo mji umeajiri. Ni muhimu kufika kazini kwa wakati na kuwa tayari kwenda nyumbani tu wakati kazi imekamilika, sio wakati saa za kawaida zinakwisha. Anapaswa pia kuwatendea wafanyakazi wenzake kwa njia inayofaa na kuwa na uhusiano mwema na wakazi wa mji.

Fursa: Kwa kuwa mkusanya takataka anaweza kukutana na kila mtu mjini, ana nafasi ya kuwaombea walio na mahitaji, kuwachangamsha wenye huzuni, na kuwatia moyo waliofadhaika. Hiyo inajumuisha wafanyakazi wenzake. Anaweza kusaidia kwa kiasi kikubwa anapopata fursa na wakati haiathiri kazi yake.




MASWALI NA MAJIBU YA 13

1. Je, kuna mambo ambayo Mungu anaweza shindwa kufanya? Anaweza kuona kila kitu na kuelewa kila kitu tangu mwanzo wa wakati hadi leo na milele). Vitu vyote vinawezekana kwa Mungu.)
2. Je, umewahi kushuhudia muujiza? (Ruhusu wanafunzi wako wajaadili miujiza tofauti ambayo wameshuhudia, kubwa au ndogo. Shiriki ushuhuda wa kibinafsi ikiwa umeshuhudia. Miujiza hii inaweza kuwa fursa kubwa, mtu anapata kujieleza, uponyaji, mabadiliko ya mitazamo, au ulinzi wa Mungu.)
3. Je, mbona Mungu aliniumba? (Zungumzia kuhusu upendo wa Mungu, chaguo za kumtumikia, na jinsi Mungu anajua kila kitu kukuhusu ikiwa ni pamoja na vipaji, talanta, ladha na hisia zako.)
4. Je, unadhani Lazaro alionekana vipi baada ya Yesu kumfufua?(Mwenye furaha, ameshangaa, mchovu, toa majibu tofauti na uruhusu watoto waseme jinsi wanafikiria.)
5. Je, ungependa Mungu atumie vipi maisha yako? (Waruhusu watoto waseme jinsi wangependa, labda kuwa mhubiri, mwanamuziki, mmishonari, mwalimu, n.k.)

MAJIBU YA 13 YA MAFUMBO

Tafuta neno

S	A	M	I	L	A	I	R	O	U	C	O	A	S	M	Z	J	T
A	R	T	P	A	T	I	R	A	M	E	Y	M	U	S	E	O	A
I	A	M	O	L	I	E	N	U	E	A	T	E	S	U	A	M	R
L	M	E	R	U	M	N	I	T	B	G	R	T	S	W	T	A	D
U	I	T	D	D	E	U	S	M	U	A	L	I	E	U	J	I	E
K	N	C	N	C	H	S	U	Z	R	L	K	L	A	T	O	S	R
H	S	I	R	G	O	F	T	J	P	B	E	O	U	R	P	H	B
V	G	F	U	F	U	O	A	C	I	H	L	E	A	U	E	A	L
O	U	E	N	R	I	V	A	I	C	Z	O	Z	E	D	M	J	A
N	I	S	A	S	L	A	U	L	O	A	A	M	I	N	I	E	Z
E	O	H	S	E	Y	N	O	A	M	L	O	P	N	A	D	V	A



MCHEZO WA 13

Mpira wa kikapu

Andika kila neno la fungu lako la kumbukumbu kwenye karatasi na uikunje kama mpira. Gawanya darasa kwa timu na uunde seti za kutosha za "mipira" ya mafungu ya kumbukumbu kwa kila timu. Weka pete ya mpira wa kikapu (au ndoo au kikapu) mbele ya darasa. Timu zinashindana kwa kutupa mipira yao ya karatasi kwenye kikapu kutoka mbali. Timu ya kwanza kumaliza inashinda, kisha wanaweza kukariri fungu la kumbukumbu kwenye karatasi na wacheze tena.



KAZI YA NYUMBANI YA 13

Muombe Mungu akuonyeshe shughuli gani unaweza kufanya ili kusaidia jirani na mpange pamoja na jirani yako wakati unaofaa wa kufanya jambo hilo.